


BVLLÆ COGREG. SOMASCHAE

PADRI SOMASCHI

ARCHIVE
ACM
3
1
159

SOMASCHI

CASA MADRE



B V L L Æ

A C

PRIVILEGIA  
A DIVERSIS

Summis Pontificibus

Clericis Regularibus Congrega-  
tionis Somaschæ hæctenus  
concessa.

*De Licentia Superiorum.*

VENETIIS.

ARCHIVIO  
SOMASCA  
CASA MADRE

(1615)



# PAVLI TERTII

## BVLLA.

### S V M M A R I V M.



- 1 *Conceditur facultas eligendi Superiorem, siue Ecclesiasticum, siue secularem ex ijs, qui Hospitalibus, & Orphanotrophijs institutis inserviunt, & statuendi decreta, prout locorum opportunitas postulabit.*
- 2 *Recitandi diuini officij eorundem Hospitalium sacerdotibus facultas datur, & confessiones audiendi, absoluedi à casibus, à quibus ordinarij locorum absoluerè consueuerunt.*



**P**AVLVS Episcopus seruus seruorum Dei ad perpetuam rei memoriã. Ex iniuncto nobis desuper meritis licet imparib. Apostolicę seruitutis officio votis, p quę hospitaliũ & aliorum piorum locorũ utilitas, & salubris directio procuratur, libeter annuimus; ad illos quoq; dexteram nostrę liberalitatis extēdimus, quos ad id propria virtutum merita multipliciter recōmēdant. Sanè pro parte dilectorũ filiorũ vniuersorum pauperum Orphanorum S. Marię Magdalenę in suburbio S. Leonardi Pergamēf. & Mediol. Comen. Ianuē. Papię. Brixien. ac Veronē. Ciuitatum, & Diocesf. Hospitalium recollectorum nuncupatorum, actã ecclesiasticarum, quã secularium personarum in eis deseruentium nobis nuper exhibita petitio continebat, quòd cum aliàs quondam Hieronymus Miani Ciuis Venetiarum plures pauperes Orphanos propter bellorum in Italia vrgentium tristes euentus, & famem vrgentem passim derelictos vagari videret, idem Hieronymus deuotionis seruore, & pietate motus prædictum Hospitale Sanctę Marię Magdalenę inchoauit, &

4  
deinde Hospitale prædictum tam propter Ciuium in Ci-  
uitate Pergamen. degentium feruentem charitatem, quam  
prouidam directionem, & salubre regimen præfati Hiero-  
nymi in tantum auctore Domino creuit, vt idem Hierony-  
mus ad alia Hospitalia in alijs Italiae partibus instituendâ  
animum applicuit, ita quod tam in Mediolanen. quam Co-  
men. & alijs Ciuitatib. ac Diœces. prædicta similia, & in qui-  
busdam, ex eis mulierum conuersarum Hospitalia dicto  
Hieronymo, & nonnullis alijs mediantibus erecta fuerunt,  
vnde Hospitalia ipsa de bono in melius perducuntur, in-  
diesque eorum numerus augetur, & augeri speratur, & sicut  
eadem expositio subiungebat, si in eisdem Hospitalibus,  
que per clericos, & laicos in simul gubernari consueuerunt,  
vnus superior, vel caput, qui inibi pro tempore deseruietes  
congregari facere, & de loco ad locum mutare valeret, exi-  
steret, Hospitaliaq; ipsa aliquibus prærogatiuis decoraren-  
tur, profectò salubri ipsius Hospitalis, & illi deseruientium  
prædictorum directioni, & quieti plurimum consulere-  
tur, ac in illis degentes pauperes huiusmodi eò melius gubernaren-  
rentur, et pertractarentur, dictaq; personæ in eo cõfoueren-  
tur, & ad solita seruitia inuitarentur. Quare pro ipsorum  
Pauperum, & deseruientium personarum parte nobis fuit  
humiliter supplicatum, vt eis in præmissis opportunè pro-  
uidere de benignitate Apostolica dignaremur. Nos igitur,  
qui charitatis opera vbiq; exerceri sinceris desideramus affe-  
ctibus, quemlibet ex pauperibus personis præfatis à quibus-  
uis excommunicationis, suspensionis, & interdicti, alijsq;  
Ecclesiasticis sententijs, censuris, & pœnis à iure, vel ab ho-  
mine quauis occasione, vel causa latis, si quibus quomodo-  
libet innodatus existit, ad effectum præsentium duntaxat  
consequendum harum serie absoluentes, & absolutum fore  
censentes huiusmodi supplicationibus inclinati auctoritate

Apostolica

5  
Apostolica tenore præsentium eisdem Hospitalibus, quod  
pauperes, & personæ in eis pro tempore degentes, & deser-  
uientes vnâ ex personis inibi deseruientem huiusmodi ec-  
clesiasticam, vel secularem inter eos superiorem, vel caput,  
que ipsos congregari facere, ac de loco ad locum mutare, ac  
quæcunque statuta, & ordinationes licita, & honesta, ac sa-  
cris Canonibus non contraria condere, ipsaq; statuta quo-  
ties ei videbitur mutare, ac de nouo statuere possit, eligere.  
Nec non sacerdotes eisdem pauperibus pro tempore deser-  
uientes horas canonicas diurnas pariter, & nocturnas, ac  
Missas, & alia diuina Officia secundum ritum, morem, &  
vsum sanctæ Romanæ Ecclesiæ etiam nouissimè editum,  
dicere, & recitare, ipsosq;, Pauperes, ac omnes, & singulos  
in dictis Hospitalibus deseruientes duntaxat eorum confes-  
sionibus diligenter auditis ab eorum omnibus, & singulis  
peccatis, casibus, criminibus, excessibus, & delictis, à quibus  
locorum Ordinarij absolueret consueuerunt, absolueret, & pro  
commisis pœnitentiam salutarem iniungere, liberè, & licitè  
valeant, perpetuò concedimus, & indulgemus. Quocirca  
Venerab. Fratribus nostris Casertan. Feltren. & Visonen.  
Episcopis per Apostolica scripta mandamus, quatenus ipsi  
vel duo, aut vnus eorum per se, vel per alium, seu alios au-  
thoritate nostra faciant præsentis litteras, & in eis contenta  
quæcunque plenum effectum sortiri, & inuiolabiliter obser-  
uari, illisq; pauperes, & sacerdotes præfatos, ac omnes & sin-  
gulos alios quos quomodolibet concernunt, pacificè frui,  
& gaudere iuxta præsentium continentiam, & tenorem, non  
permittentes quemquam contra illorū tenorem modo ali-  
quo molestari, impediri, aut inquietari, contradictores per  
censuram Ecclesiasticâ, appellatione postposita, compescē-  
do, non obstantib. Apostolicis, ac in Prouincialib. & Syno-  
dalib. Concilijs editis generalib. vel specialibus Constitu-  
tionibus,

io rib. & Ordinationib. ac Statutis, & Consuetudinib. Priuilegijs quoq;, Indultis, & litteris Apostolicis, etiam in forma Breuis per quoscunque Romanos Pontifices praedecessores nostros, & nos, ac Sedē prefatam ēt per viam generalis legis, & statuti perpetui, & initi, ac stipulati contractus, ac motu proprio, & ex certa scientia, ac de Apostolicę potestatis plenitudine, & cū quibusuis irritatiuis, annullatiuis, cassatiuis, reuocatiuis, praeferuatiuis, exceptiuis, restitutiuis, declaratiuis, ac derogatorijs derogatorijs, alijsq; fortiorib. efficacissimis, & insolitis clausulis irritantib. & alijs decretis ēt quibusuis locorum ordinarijs, sub quibusuis verborum formis, & tenorib. concessis, confirmatis, & innouatis, quib. illorum omnium tenores presentib. pro sufficiēter expressis habētes illis alijs in suo robore permanfuris, hac vice duntaxat, harū serie specialiter, & expresse derogamus, cōtrarijs quibuscūq; aut si aliquib. cōiter, vel diuisim ab eadē sit sede indultum, q̄ interdicti, suspendi, vel excōicari non possit per litteras Apostolicas nō faciētes plenā, & expressam, ac de verbo ad verbū de indulto huiusmodi mētionē, & qualibet alia dictae Sedis indulgētia generali, vel speciali cuiuscunq; tenoris existat, p̄ q̄ presentib. nō expressam, vel totaliter nō insertam effectus huiusmodi gratiē impediri valeat quomodolibet, vel differri & de qua, cuiusq; toto tenore habēda sit in nostris litteris mētio spālis: Nos. n. ex nunc irritū decernimus, & inane, si secus sup̄ his à quoquam quauis auctoritate sciēter, vel ignoranter cōtigerit attētari. Nulli ergo omninō hominū liceat hanc paginā nostrae absolutionis, cōcessionis, indulti, mandati, derogationis & decreti infringere, vel ei ausu temerario cōtraire. Si quis aut̄ hoc attētare p̄sumpserit, indignationē omnipotentis Dei, ac B. Petri, & Pauli Apostolorum eius se nouerit incursum. Dat. Romae apud S. Marcum anno Incarnationis Dominicae 1540. pridie Non. Iunij Pontific. nostri anno 6.

A. Gapata.

# BREVE IO. PETRI CARAFFÆ

Cardinalis Theatini Nuncupati.

## S V M M A R I V M.

- 1 Unitur Theatinorum congregatio cum Somaschensi, ut piorum operum curam suscipiat, eaque omnia pietatis munia peragat, quae Somaschensis, in virtute sanctae obedientiae praecipitur.
- 2 Indulgentiae, & Præuilegia utrique hactenus concessa communia fiunt.

Venerabilib. Fratribus Praeposito, et Clericis regularibus in Sancto Nicolao de Tolentino Venetijs commorantibus.



Enerabiles fratres in Domino aeternam salutem. Scripserunt ad nos nuper dilecti nobis in Christo Presbyter Augustinus, et alij Clerici, et deuoti Laici, qui in plerisq; istius Prouinciae locis operibus pietatis intenti curam, praecipue educandorum in Dei timore, et in bonis artibus pauperum Orphanorum sollicitē susceperunt, Nos magna cum instantia requirentes, vt nos illos in nostros agnoscere, et suscipere vellemus, neque eorū spem, quam ab exordio inceptiois suae in nostro praesidio collocassent, frustrari pateremur, quandoquidē illorū operū fundamēta nostris auspicijs iacta essent, nosq; ad eos tum, cum Venetijs essemus, bonę me. Hieronymum Aemilianū nostrū in Christo dilectissimum fratrem destinasse, quo duce eadem opera, & cepta, & ita Domino fauente aucta sint, vt nō absq; multarum animarum profectu domum Dei grato odore repleuerint, quin ēt nōnulli ex eisdē virtute in virtutē ambulātes cōvsq; domino

inspirante

8  
inspirante progressi sint, vt ad nostrum Régulare institu-  
tum conuolare desiderent, seque penitus sub iugo eiusdem,  
Regulæ diuinis obsequijs mancipare. Accessit ad hæc etiã  
Ven. Fratris nostri Presbyteri Bernardini Sabinësis de illorũ  
vita, & moribus, deq; studio deuotionis, & feruore charita-  
tis, necnõ etiam de vestro iudicio fida relatio, quæ apud nos  
meritò plurimum valuit, & vt magis ex animo huic nego-  
tio incuberemus, effecit. Quare in primis nobis visum fuit,  
vt idẽ Presbyter Bernardinus frater noster iuxta præscriptũ  
vestrum Neapolim pergeret, & Fratrum nostrorum, qui ibi  
Domino famulantur, super hac re sententiam exploraret;  
sed cum intra paucos dies inde rediens de vnanimi eorũ-  
dem Fratrum consensu ad nos litteras attulisset, Nos om-  
nipotenti Deo gratias agentes, & de eius benignitate speran-  
tes, de his rebus omnib. Sanctissimum Dominum nostrum,  
consulendum duximus, vt qui Dei vices gerit in terris, eius-  
dem Dei, & Domini nostri super hac re voluntatem suo no-  
bis oraculo aperiret. Quamobrem idem Sanctissimus in  
Christo Pater, & Dominus noster Dominus Paulus diuina  
prouidentia Papa Tertius viuæ vocis oraculo nobis hoc ne-  
gocium demandauit, & vt illud in nostram fidem recipere-  
mus, iniunxit, atq; vt vos hortaremur in Domino, & nihilo-  
minus nomine, & authoritate Sãctitatis suæ vobis in virtute  
sanctæ obedientiæ præcipiendo mandarem, vt eorundem  
piorum operum curam pro Dei amore, & pro reuerentia  
Sedis Apostolicæ vos suscipere deberetis, & illis ita diligen-  
ter intendere, vt ex vestro regimine eadem opera de bono in  
melius cum salute animarum, & cum diuini nominis hono-  
re procedant, & cum vos de his omnibus, quæ circa eadem  
opera experimento didiceritis, nos certiores reddere cura-  
bitis, idem Sanctissimus Dominus noster ex nostra fideli  
relatione intelligat, quid sit super toto hoc negotio per San-  
ctitatem

9  
ctitatem suam, & per eandem Sanctam Sedem Apostolicam  
statuendum. Nos igitur cupientes in omnibus, vt debemus, 1  
eiusdem Sanctissimi Domini nostri parere mandatis, hoc  
onus in nos confisi de diuini auxilij largitate suscipimus,  
& vos omnes fratres carissimi hortamur in Domino, sed &  
vobis authoritate nobis tradita in virtute sanctæ obedientiæ  
præcipiendo mandamus, vt supradictorum piorum Ope-  
rum, & personarum in eis quomodolibet pro tempore fer-  
uientium curam, & administrationem suscipere debeatis, &  
ex eisdem personis, si qui Clerici, vel Laici ad vestram pro-  
fessionem Domino vocante aspirauerit, qui tamen vobis se-  
cundum Deum videbuntur idonei, illos ad probationem, &  
professionem recipere, & tam ex illis postquam probati fue-  
rint, quàm ex vobis ipsis idoneos Rectores, & Gubernato-  
res eligere, qui administrandis supradictis pijs operib. & in  
sinceritate fidei, & sanctitate morum educãdis, & erudiẽdis  
Iuuenibus præponuntur, ac pro eorundem Iuuenum quali-  
tate, & ingeniorum diuersitate, siue in litterarum studijs, seu  
in machanicis artibus dirigendis, & instituendis viros in  
primis fideles, & honestos, & earum rerum peritos consti-  
tuere, vel conducere, & tam illis, quàm cæteris personis  
feruentibus supradictis curam, & administrationem in  
temporalibus, & spiritalibus diligentem impendere, &  
illis omnibus ecclesiastica Sacramenta ministrare, & omni- 2  
bus Priuilegijs tam vobis, quàm illis hæcenus concessis, vel  
imposterum concedendis vti, potiri, & gaudere, vt liberè,  
& licitè possitis, & valeatis, eadem Apostolica authoritate  
nobis specialiter tradita in hac parte vobis concedimus, &  
indulgemus, contrarijs non obstantibus quibuscunque.

Datum Romæ in Ædibus nostris die 8. Mensis Nouem-  
bris MDXLVI. Pontificatus eiusdem Sanctissimi in Chri-  
sto Patris, & Domini Nostri Domini Pauli Papæ Tertij

B anno

10  
anno decimotertio: Vester Frater Io. Petrus Cardinalis  
Theatinus. In fine vero.

Ego B. Tituli Sanctæ Priscæ Presbyter Cardinalis Gui-  
ditionus nuncupatus de mandato Sanctissimi Domini No-  
stri Pauli Papæ Tertij die 4. Nouembris M D X LVII.  
viuæ vocis oraculo nobis facto præinfern tenoris litte-  
ras à Sanctitate sua laudatas Anno, mense, & die supradic-  
tis subscripsi; Et quia in fine earundem litterarum vbi de  
Priuilegijs agitur, à nonnullis dubitabatur, an vsus vtro-  
rumque priuilegiorum esset per easdem litteras vtrisque  
concessus, Sanctitas sua declarat, & quatenus opus sit, de  
nouo concedit, vt eorundem priuilegiorum vsus vtrisque  
sit reciprocus, & communis, hoc est tam Clericis regulari-  
bus, & personis, quæ ad præsens deseruiunt, vel quas pro  
tempore contigerit supradictis pijs operibus inseruire.  
Datum Romæ etc. vt supra.

B. Cardinalis Guiditionus qui supra manu propria, etc.



PAVLI



# PAVLI QVARTI

## B R E V E

### S V M M A R I V M.

*Separatur Theatinorum Congregatio à Somaschensi; & pristinum solum institu-  
tum cogitur seruare.*



AVLVVS PAPA IIII. Dilectis filijs Præ-  
posito, & Clericis Regularibus Venetijs, & ali-  
bi commorantibus &c.

Dilecti filij salutem, & Apostolicam bene-  
dictionem. Aliquot ab hinc annis fel. record.  
Paulo III. Pontifice maximo prædecessore nostro viuen-  
te, Cum dilecti filij Presbyteri, Clerici, & Laici, qui va-  
rijs in locis prouinciæ Lombardiæ operibus pietatis inten-  
ti, curam præcipuè susceperant, vt pauperes Orphanos in  
Dei timore, bonisque disciplinis, & artibus, educarent, ad  
nos, qui Episcopi Cardinalis officio tunc fungebamur, dili-  
genter scripserint, & requisierint, vt se vnà cum Operibus  
suis, Orphanisque ipsis nostro amplecti patrocinio, ac vt no-  
stros agnosceret vellemus, & apud vos procuraremus, vt à vo-  
bis ad vestram vitæ regulam dirigerentur, & in vestrum  
confortium, qui ad id essent, vel fierent idonei, atque eo  
digni viderentur, recipi possent; Nos de communi vestro  
omnium consensu, ac de PAVLI ipsius prædecessoris no-  
stri, quem hac de re prius accuratè conuulteramus, licentia,  
mandato, & autoritate viuæ vocis oraculo, super hoc no-

B 2 bis

bis data hortati vos sumus, vobisque in virtute sanctæ obedientiæ præcipiendo mandauimus, vt Presbyterorum, Clericorum, Laicorum, Orphanorum, & personarum, nec non pietatis operum, quæ sumpta sunt, curam, & administrationem suscipere, & si qui ex eis ad vestram professionem, Domino vocante, aspirassent, vobisque probati essent, ad eam admitteretis, Rectoresque, & Governatores eligeretis, qui pro Orphanis ipsis, & iuuenibus in iisdem pijs operibus, & morum sinceritate educandis, & tam litterarum studijs, quàm mechanicis artibus pro cuiuscunque ingenio erudiendis viros litterarum, atque artium ipsarum peritos, in primisque honestos, vel ex vobis eligeretis, vel aliunde condaceretis, aliosque præterea constitueretis, qui tam illis, quàm cæteris etiam in spiritualibus operam impenderent, & plura eiusdem generis procuraretis, quæ huiusmodi curæ, & administrationi necessaria, & opportuna fore putaretis, Demumque de salutis fructibus, quos ipso temporis progressu, ac rerum experientia ex eadem administratione, & cura verè percipi posse didicissetis, nos certiores faceretis, vt rebus omnibus per nos eidem PAVLO, qui hoc etiam mandauerat, fideliter relatis, quid ei, Sanctæque Sedi Apostolicæ super ijs esset potissimum statuendum, posset deliberari, quemadmodum in nostris litteris die viij. Mens. Nouembris Anno Domini 1546. tunc ad vos scriptis, quas in his pro expressis, ac de verbo, ad verbum insertis habere volumus, plenius continetur. Nunc autem cum eodem PAVLO, & alijs post eum prædecessoribus nostris vita functis in eorum locum (licet eo indigni) à Deo vocati simus, ac quod ad eos spectat, si superuixissent, nunc ad nos pertineat; Nosque ex ijs, quæ deinceps ex vobis, qui per tot annos, quæ sumpta sunt, experti estis, quid super hoc toto negotio statuendum

sit,

sit, cognouimus; Pro maiori securitate, & pacè conscientiæ cuiusque vestrum, proque puriori vitæ vestræ Clericalis professionis obseruantia, alijsque legitimis, & honestis de causis animum nostrum mouentibus, Vos, & Vestrum quemlibet abhortatione, præcepto, mandato, obedientia, dictorumque Presbyterorum, Clericorum, Laicorum, pauperumque Orphanorum, personarum, & Operam prædictorum cura, & administratione à vobis tam ante hac suscepta, quàm in posterum forsitan suscipienda omnibusque, & singulis alijs, quæ circa ea sumpta sunt; ac denique ab omni huiusmodi obligatione, ac necessitate vobis, vt præfertur, quomodolibet imposita auctoritate Apostolica, tenore præsentium in perpetuum absoluiamus, & liberamus, liberosque, et absolutos fore decernimus atque in eundem statum, in quo antequam hæc vobis iuberemus, eratis, reponimus, et reintegramus: Non obstantibus quibusuis confirmationibus, et concessionibus Apostolicis super his à Romanis Pontificibus prædecessoribus nostris, et à nobis forsitan quomodolibet emanatis, et factis, alijsque contrarijs quibuscunque etc.

Datum Romæ apud Sanctum Petrum sub Annulo Piscatoris, die 23. Decembris 1555. Pontificatus nostri Anno primo, etc.

I. Fr. Binus.

Loco † Sigilli Anuli Piscatoris.



# PII QVARTI BULLA.

## S V M M A R I V M:

- 1 *Approbantur ea, quae superiores Hospitalium sanxerunt decreta, & nullitates si quae fortè irrepperint, ut rata sint, suppleantur.*
- 2 *Decernitur ne à locorum ordinarijs, quoad Priuilegia et indulgentias concessas, diuexentur.*
- 3 *Conceditur venia erigendi quocunque in loco Orphanorum Hospitalia, & ut sacerdotes in ijs sacerdotij munera, exercere possint.*
- 4 *Vt capsulae, vbique collocari possint, etiam non petita licentia, ad exigendam pro Hospitalibus elemosinam.*
- 5 *Vt possint deligere confessorem, vel secularem, vel regularem orphani superioris licentia, cui, ut casibus etiam Sedi Apostolicae reseruatis à pœna, & culpa semel in vita, & mortis articulo absolueri possit facultas datur.*
- 6 *Consequitur plenariam Indulgentiam qui mortis articulo ter Iesus nomen protulerit.*
- 7 *Multa alijs indulgentiae, & Priuilegia conceduntur.*
- 8 *Præcipitur ordinarijs locorum, ne superiores Orphanorum inquietent, sed auxilium exhibeant.*
- 9 *Nullæ alijs Bullæ contra hanc statui possunt.*
- 10 *Iudices de iurantijs.*

**R**IVS EPISCOPVS Seruus seruorum Dei ad perpetuam rei memoriam, Saluatoris, & Domini Nostri Iesu Christi, qui dum mortalibus spolijs indutus esset, discipulos suos in terris erudies & in viam salutis aeternæ dirigens illis paruulorum Angelos aeterni patris faciem assidue contueri testatus est, vices, meritis licet imparibus gerentes in terris, ea, quæ pro necessarijs pauperum Orphanorum alimentis educatione Christiana charitate gesta fuisse dicuntur, libenter, potissimum cum id à nobis petitur, Apostolicæ muniminis præsidio stabilimus, & Christi fideles, ut ad lapsus suis operibus charitatis expiandos, piaq; loca visitanda procliuius existant, spiritualibus

spiritualibus muneribus, Indulgentijs videlicet, & peccatorum remissionibus inuitamus, ut per bonorum operum exercitium ipsorum etiam Orphanorum precibus adiuti macula suorum delictorum abolita ad Cælestis patriæ beatitudinem peruenire mereantur. Dudum si quidem felicis recordationis Paulo Papa Tertio prædecessori nostro pro parte dilectorum filiorum Vniuersorum pauperum Orphanorum Sanctæ Mariæ Magdalænæ in Suburbio loci Sancti Leonardi, ac aliorum Pergamenf. Mediolanenf. Cumanenf. Ianuen. Papien. Brixien. ac Veronen. Ciuitatum, & Diocæs. Hospitalium recollectorum nuncupatorum, ac tam Ecclesiasticarum, quàm secularium personarum in eis deseruientium exposito, quòd cū alijs quondam Hieronymus Miani Ciuis Venerus tunc in humanis agēs plures pauperes Orphanos propter bellorum in Italia vrgentium malos euentus, ac vrgentem famem passim derelictos vagari videret, deuotionis feruore, ac pietate motus præfatum Hospitale sanctæ Mariæ Magdalænæ inchoasset, illudque postmodum tam propter Ciuium Pergamen. feruentem charitatem, quàm prouidam directionem, & salubre regimen præfati Hieronymi intantum auctore Domino creuisset, ut idem Hieronymus ad alia Hospitalia in alijs Italiae partibus instituenda animum applicuisset, ita quòd tam in Mediolanenf. quàm Cumanenf. ac alijs Ciuitatibus, ac Diocæs. præfatis similia, & in quibusdam ex eis mulierum conuersarum hospitalia dicto Hieronymo, & nonnullis alijs mediantib<sup>9</sup> erecta fuerant, vnde hospitalia ipsa de bono in melius producebatur, ac in dies eorum numerus augebatur, & augeri sperabatur, & in huiusmodi expositione subiuncto, quòd si in eisdem Hospitalibus, quæ per Clericos, & Laicos, in simul gubernari consueuerant, vnus esset superior, qui inibi pro tempore deseruientes congregari facere, & de loco ad locum mutare posset,

posset, & Hospitalia ipsa aliquib. prerogatiuis decoraretur, ex hoc salubri Hospitalium, & personarum in eis deseruentium directioni, & quieti plurimum consuleretur, ac in eis degentes pauperes huiusmodi melius gubernarentur, & tractarentur, praefatus praedecessor Orphanorum, & deseruentium praedictorum supplicationibus inclinatus eisdem hospitalibus quod pauperes, & personae in eis pro tempore degentes, et deseruentes vna ex personis inibi deseruentibus huiusmodi ecclesiasticam, vel secularem in eorum superiore, quae ipsos congregari facere, ac de loco ad locum mutare, nec non quaecunque Statuta, et Ordinationes, licita, et honesta, ac sacris Canonibus non contraria condere, ipsaque Statuta, quoties eis videretur mutare, et alia de nouo statuere posset, eligere, quodque Sacerdotes ibi pro tempore deseruentes horas canonicas diurnas pariter, et nocturnas, ac Missas, et alia diuina officia secundum ritum, mores, usum, et consuetudinem Sanctae Romanae Ecclesiae, et nouissimè editum dicere, et recitare: Ipsosque pauperes, ac omnes, et singulos in dictis Hospitalibus deseruentes, duntaxat eorum confessionibus diligenter auditis ab eorum omnibus, et singulis peccatis, criminibus, excessibus, et delictis etiam in quibus locorum Ordinarij absolueri consueuerant, absolueri, ac illis pro commissis poenitentiam salutarem iniungere, liberè, & licitè valerent, auctoritate Apostolica perpetuò concessit, & indulgit, prout in eiusdem Pauli praedecessoris litteris desuper confectis plenius continetur. Cum autem sicut exhibita nobis nuper pro parte tam superioris, & praedictorum, quam etiam dilectorum filiorum aliorum similium in Cremonens. & Vercellens. & Vicentins. Ciuitatibus, ac Oppido Triultij dictae Mediolanens. Diocesis postmodum ritè institutorum hospitalium pauperum Orphanorum, & inibi deseruentium petitio continebat, ipsi Orphani, & deseruen-

tes

tes dictorum litterarum vigore superiorem praedictum elegerint, ac idem superior, & deseruentes pro salubri Hospitalium, pauperumque, & aliorum ibi seruientium personarum huiusmodi directione nonnullas ordinationes, & statuta concorditer ediderint, pro parte Superioris Orphanorum, & deseruentium praedictorum nobis fuit humiliter supplicatum, vt institutioni Hospitalium, ac litteris, nec non electioni, ordinationibus, & statutis praefatis pro firmiori illorum subsistentia robor Apostolicae confirmationis adijcere, alijsque in praemissis opportunè prouidere de benignitate Apostolica dignaremur. Nos igitur, qui Hospitalitatis, & aliorum piorum incrementa sincero desideramus affectu, superiorem, singulosque pauperes, ac deseruentes praefatos à quibusuis excommunicationis, suspensionis, & interdicti, alijsque Ecclesiasticis sententijs, censuris, & poenis à iure, vel ab homine quauis occasione, vel causa latis, si quibus quomodolibet innodati existunt, ad effectum praesentium duntaxat consequendum, harum serie absoluentes, & absolutos fore censentes, nec non veriore dictarum litterarum tenorem praesentibus pro expresso habentes huiusmodi supplicationibus inclinati institutionem dictorum Hospitalium, & litteras, ac in eis contenta, nec non electionem, ordinationes, & statuta praemissa, ac inde secuta quaecunque dicta auctoritate tenore praesentium approbamus, & confirmamus, illisque perpetuè, & inuiolabilis firmitatis robor adijcimus, ac omnes, & singulos iuris, & facti, nec non solemnitatum forsan omissarum, & alios quosque defectus, si qui forsan interuenerint, supplemus, illaque valida, firma, & inuiolabilia esse, ac à cunctis in omnibus, & per omnia obseruari debere. Nec non superiorem, pauperes, & personas deseruentes praefatas quominus concessionibus, gratijs, & indulgijs sibi per litteras praedecessoris huiusmodi concessis liberè uti,

C  
fui,

frui, & gaudere valeant per locorum Ordinarios, aut alios quoscuq; impediri, aut desuper quoquomodo molestari, vexari, seu perturbari non posse decernimus, & nihilominus eisdem superioribus, et seruiantibus. vt de licentia Ordinariorum, & Gubernatorum Ciuitatum, locorum, & terrarum, seu postquam ipsi ab eis requisiti fuerint, loca pro similib. Hospitalibus. instituendis sibi vltro oblata, seu petita, & sibi pro tempore concessa, aut iam ad hoc per quoscumq; instituta Hospitalia recipere, & acceptare, ac in illis eadem pia opera, quae in alijs Hospitalibus haecenus, exercuerunt, & exercet exercere libere, & licite possint, ac personis Ecclesiasticis Hospitalium praefactorum pro locorum ordinarios approbatis ibidem Verbum Dei ad instructionem, spiritualemq; consolationem Orphanorum, & personarum secularium inibi deseruientium, ac aliorum vtriusque sexus Christi fidelium ad illa accedentium praedicandi, & annuntiandi, nec non illorum confessiones audiendi, ac illis auditis, eos in Calibus praedictis absoluendi, sacramq; Eucharistiam quibusuis anni temporibus, & diebus; non tamen in Paschate Resurrectionis Domini Nostri Iesu Christi, eisdem Pauperibus, & alijs personis illuc accedentibus ministrandi, eleemosinas Christi fidelium praefactorum petendi, & recipiendi, ac personas ad illas petendum deputandi; Nec non Capsulas in Hospitalibus praefatis ad eorum, & dictorum pauperum sustentationem ponendi, diocesum, locorum, seu cuiusuis alterius licentia desuper minime requisita, plenam, amplam, & omnimodam facultatem, auctoritatem, & potestatem eisdem auctoritate, & tenore praesentium concedimus, & impartimur. Praeterea, vt ipsi Orphani ab ipsisdem seruiantibus, ac alijs in Dei timore animo propriori instruantur, & manuteneantur, de omnipotentis Dei, ac Beatorum Petri, & Pauli Apostolorum eius auctoritate confisi seruiantibus, & Protectionibus vtriusque sexus Orphanorum huiusmodi, vt ipsi aliquae

Presby-

Presbyterum secularem, vel cuiusuis Ordinis regularem, quem voluerint, in Confessorem de dicti superioris licentia eligere, ipsiq; sic electo, illos, eorum confessionibus auditis ab omnibus, & singulis eorum peccatis, quantumcumq; grauib. etiam dictae Sedi reseruatis, Nec non a poena, & culpa semel in vita, & semel in mortis articulo tantum alias in forma Ecclesiae consuetae, ac iuxta formam in quinterno Cancellariae Apostolicae annotatam dicta auctoritate absoluere, eisq; pro commissis poenitentiam salutarem iniungere possint; Nec non eisdem nomen Iesus in ipso mortis articulo ter proferentibus. plenariam omnium peccatorum suorum Indulgentiam: Nec non eis quoties peccata sua confitebuntur mille; & praeterea qui quinquies Orationem Dominicam, ac toties salutationem Angelicam eodem instanti deuote recitauerint, ac pro pacis inter Principes Christianos conseruatione, nec non haereticorum, & schismaticorum, ac Infidelium conseruatione Deum omnipotentem deuote orauerint, duorum millium: Quicumq; vero ex eis Officium Beatae Mariae Virginis iuxta usum eiusdem Romanae Ecclesiae singulis festiuis centum, non festiuis autem diebus quinquaginta: Et qui Rosarium eiusdem Beatae Mariae Virginis quinquaginta, non festiuis vero diebus huiusmodi etiam recitauerint, quoties id fecerint viginti quinque dies, & totidem quadragenas respectiue de iniunctis eis poenitentibus misericorditer in Domino concedimus, & elargimur: Nec non Ordinarijs locorum huiusmodi, & quibusuis, & pro fabrica Basilicae Principis Apostolorum, ac Sancti Spiritus in Saxia de Vrbe, & alijs Hospitalibus, nec non sancti Sebastiani extra Muros eiusdem Urbis, & alijs Monasterijs, ac Sanctissimae Trinitatis redemptionis Captiuorum, & alijs Confraternitatibus, nec non pijs locis pro tempore deputatis, ac alijs quibusuis personis in virtute sanctae obedientiae, ac sub indignationis nostrae poena, ne superiorum, Orphanos, deseruietes,

20  
Protectores, ac Hospitalia, & illorum personas præfato, vel eorum aliqua in præmissis molestare, seu perturbare quomodo audeant, seu præsumant districtius inhibentes; quinimo eis sub simili pœna mandantes, vt illis auxilium, cõsilium, & fauorẽ in præmissis præbeant; Nec non præfentes literas sub quibusuis reuocationib. suspensionib. ac limitationib. seu alterationib. similium, vel dissimilium gratiarũ, etiam per nos, aut alios Romanos Pontifices successores nostros, ex quibusuis causis quomodolibet pro tempore factis nullatenus cõprehensas, sed semper ab illis exceptas, & quoties illę emanabunt, toties in pristinum statum restitutas, & de nouo concessas esse, & censeri, & ita in præmissis omnib. & singulis per quoscunq; Iudices, & Commissarios, etiam causarum Palatij Apostolici Auditores, ac eiusdem sanctę Romanę Ecclesię Cardinales sublata eis, & eorum cuilibet quauis aliter iudicandi, & interpretandi facultate, & auctoritate, Iudicari, & diffiniri debere, ac quicquid secus super ijs à quoquam quauis auctoritate scienter, vel ignoranter attestari cõtingerit, irritum, & inane decernimus, & declaramus. Quocirca Venerabili Fratri nostro Episcopo Amerinen. & dilectis filijs Vicarijs Venerabilium fratrum nostrorum Archiepiscopi Mediolanen. ac Episcopi Brixien. in spiritualib. generalibus per apostolica scripta mādamus, quatenus ipsi, vel duo aut vnus eorum per se, vel per alium, seu alios præfentes literas, & in eis contenta quæcunq; vbi, & quando opus fuerit, ac quoties pro parte superioris, Orphanorum, & deseruentium prædictorum fuerint requisiti, solemniter publicantes, eisque in præmissis efficacis defensionis præsidio assistentes, faciant auctoritate nostra superiorẽ, Orphanos, & deseruentes prædictos approbatione, cõfirmatione, adiectione, suppletione, decreto, concessione, elargitione, & mādato, alijsque præmissis pacificè frui, & gaudere, nō permit-

tentes

21  
rentes eos desuper per quoscunque quomodolibet indebitè molestari, perturbari, vel impediri; cõtractores quoslibet, & rebelles per sententias, censuras, & pœnas Ecclesiasticas, aliaq; opportuna iuris remedia, eadẽ auctoritate nostra, appellatione postposita, compescendo, ac legitimis super his habendis seruatis processibus easdẽ sententias, censuras, & pœnas, etiam iteratis vicib. aggrauando, inuocato etiã ad hoc, si opus fuerit, auxilio brachij sæcularis, nō obstantib. præmissis, ac piæ memorię Bonifacij Papę 8. similiter prædecessoris nostri, qua cauetur, ne quis extra suam Ciuitatẽ, vel Diocesim nisi in certis exceptis casib. & in illis vltra vnã dietam à fine suæ Diocesi ad iudicium euocetur, seu ne Iudices à Sede Apostolica deputati extra Ciuitatem, & Diocesim in quibus deputati fuerint, cõtra quoscunq; procedere, aut alij, vel alijs vices suas cõmittere præsumant, ac de duabus Dietis in concilio generali edita, dummodò quispiam vltra tres dietas ad iudicium præsentium vigore non trahatur, alijsq; cõstitutionib. & ordinationib. Apostolicis priuilegijs quoq; Indultis, & litteris Apostolicis Hospitalib. Monasterijs, Cõfraternitatib. alijsq; locis præfatis sub quibusq; tenorib. & formis, ac cum quibusuis etiam derogatorijs derogatorijs, alijsq; efficacioribus, & insolitis clausulis irrationalibusq; & alijs decretis in genere, vel in specie etiam motu proprio, etiam Concistoriali, ac alijs quomodolibet concessis, ac etiam pluries approbatis, & innouatis quibus omnibus etiam si pro illorum sufficienti derogatione de illis, eorumque totis tenoribus specialis, specifica, & expressa, & indiuidua, non autem per clausulas generales idem importates mentio, seu quæuis alia expressio habenda, aut aliqua alia exquisita forma ad hoc seruanda foret, illorum veriores tenores, formas, & datas, ac si de verbo ad verbum præsentibus inferrentur pro sufficienter expressis habentes illis alijs in suo

suo robore permāsuris (hac vice duntaxat) specialiter, & expressē derogamus, contrarijs quibuscunq̄; aut si aliquibus communitè, vel diuisim ab Apostolica sit Sede indultum, quod interdicti, suspendi, vel excommunicari non possint per litteras Apostolicas non faciētes plenam, & expressam, ac de verbo ad verbum de indulto huiusmodi mentionem. Nulli ergò omninò liceat hanc paginam nostræ absolutionis, approbationis, confirmationis, adiunctionis, supplementationis, concessionis, impartitionis, inhibitionis, decretorum, declarationis, mandatorum, & derogationis infringere, vel ei ausu temerario contraire. Si quis autem hoc attemptare præsumperit, indignationem Omnipotentis Dei, ac Beatorum Petri, et Pauli Apostolorum eius se nouerit incursum.

Datum Romæ apud Sanctum Petrum Anno Incarnationis Dominicæ Millesimo Quingentesimo Sexagesimo tertio. Sexto Kalend. Iunij. Pontificatus Nostri Anno quarto.

I. Romper.



# PII QVINTI

BVLLA 1568

## S V M M A R I V M:

- 1 *Emittendi tria solemnia vota facultas conceditur.*
- 2 *Diui Augustini regulæ Somaschensis Congregatio adseribitur.*
- 3 *Interdicitur secretus locus ad emittenda vota, & vt in communi viuere, bona possidere possit uenia datur.*
- 4 *Imponitur nomen Congregationi uidelicet Clericorum regularium Sancti Maioli Papiæ, seu Somaschæ.*
- 5 *Bonorum relictorum fructus possidere licitè potest congregatio, etiam non requisita ordinarij licentia.*
- 6 *Derogationibus, suspensionibus, &c. subiacere non possunt hæ Bullæ.*
- 7 *Iudices deputantur.*



**P**IVS PAPA Quintus Ad perpētuum rei memoriam. Iniunctum nobis desuper Apostolicæ seruitutis officium dignè peragere credimus, si ad ea, per quæ Congregationes præsertim Orphanorum causæ institutæ faciliùs stabiliri, et firmiùs conseruari valeant, considerationis nostræ aciem extendamus. Sanè exponi nobis nuper fecerunt dilecti filij Sacerdotes, Clerici, et Laici Congregationis loci de Somascha Mediolanens. Diocæs. dudum canonicè instituti, quod aliàs fel. record. Paulus Papa III. prædecessor noster Cōgregationi prædictæ, cui quondam Hieronymus Æmilianus olim patricius Venerus vir eximie pietatis insignis, Spiritus sancto, vt piè creditur, afflatus omnibus sæculi curis post habitis initium antea dederat, quaque multi illius exemplo adducti amplexi fuerant, & à Genuen. Mediolanen. Ferrariens, alijsq̄ Italiae Ciuitatibus, & Urbibus acciti illam dilatauerant, Caput sibi eligendi, Constitutiones condendi facultas

facultatem concessit, eamque ab Ordinariorum superioritate, Iurisdictione, & potestate exemit, ac tam ille, quam deinde piæ memoriæ Pius Papa Quintus, etiam prædecessor noster dictam Congregationem nonnullis alijs Priuilegijs, & gratijs prosecuti fuerint, nec non successiuè Dilectus filius noster Carolus tituli Sanctæ Præcedis Presbyter Cardinalis Borromeus nuncupatus sufficienti ad id facultate, vt asserbat, suffultus dictæ Congregationi Ecclesiam Sancti Maioli Papiens. olim per Monachos Cluniacens. Ordinis obtineri solitam certis annuis redditibus illi assignatis donauit, nosque postmodum donationem prædictam Apostolica auctoritate approbauimus, prout in singulis prædecessorum, & Caroli Cardinalis prædictorum patentibus, ac nostris litteris desuper confectis plenius continetur; quarum litterarum vigore prædicti Sacerdotes, Clerici, ac Laici Ecclesiam prædictam in Domum principalem, & tanquam aliarum Ecclesiarum dictæ Congregationis caput pro futuris Præposito, qui inibi resideat, ac vnà cum alijs deputandis professis non solum illius, sed etiam aliarum Ecclesiarum eiusdem Congregationis curam, regimen, & administrationem habeat, nec non professis, qui dicto Præposito reuerentiam, et obedientiam præstent sibi delegerunt. Cum autem sicut eadem expositio subiungebat, licet ijdem Sacerdotes, Clerici, et Laici religiosi admodum viuant, ac præcipuè inter alia pietatis opera Orphanorum in disciplina Christiana, bonisque artibus, et litteris secundum cuiusque ingenij captum erudiendorum, ac nonnullis in locis Seminariorum Clericorum curam summo cum studio gerant, ac propterea dubium non sit, quin hæc Congregatio perpetuò duratura sit; nihilominus, quia plerique illorum ob professionem non emissam existimantes se

non verè Religiosos ab illa recedunt, & ad aliquam Religionem conuolant; alij pauperes, & non habentes titulum beneficij, & patrimonium, repugnante Concilio Tridentino, ad Ordines promoueri nequeunt, aut alijs rationibus adducti aliud viuendi genus eligunt, multi ipsius Congregationis Sacerdotes, Clerici, & Laici ad firmius stabilendum huiusmodi Congregationem, & ad obuiandum hisce, & alijs inconuenientibus tria Vota videlicet Paupertatis, Castitatis, & Obedientiæ emittere summoperè desiderant, si ad id nostra, Sediq; Apostolicæ suffragetur auctoritas: Quare ijdem Sacerdotes, Clerici, & Laici nobis humiliter supplicari fecerunt, quatenus illis Vota prædicta in manibus alicuius Prælati Ecclesiastici emittendi licentiam concedere, ac aliàs perpetuæ illius Congregationis conseruationi, & Orphanorum prædictorum vtilitati consulere, opportuneque providere de benignitate Apostolica dignaremur. Nos igitur, qui pijs, honestisque penitentium votis gratum solemus præstare assensum, dictorum Sacerdotum, Clericorum, & Laicorum piam vitam, optimumque viuendi, & instituendi propositum plurimum in Domino collaudantes, ipsosque, & eorum singulos à quibusuis excommunicationis, suspensionis, & Interdicti alijsq; Ecclesiasticis sententijs, censuris, & pœnis à lure, vel ab homine quauis occasione, vel causa latis, si quibus quomodo libet innodati existunt, ad effectum præsentium duntaxat cōsequendum absoluentes, & absolutoꝝ fore censentes, nec nō prædictarū litterarū, & inde secutorum quorūcunq; tenores præsentib. pro expressis habentes huiusmodi supplicationib. inclinati prædictis Sacerdotib. Clericis, & Laicis vota prædicta emittere volētib. illa in manib. Prælati alicuius Ecclesiastici per Cōgregationē hmōi ad id eligēdi, donec sex ex ipsis fuerint p̄fessib., & sibi Præpositū ipsius Cōgregationis generatē

D

secundum

secundum illorum Constitutiones factas, seu faciendas eligendum, et confirmadum elegerint, et deinde dictis sex professis, et electo Præposito omnibus, et singulis alijs Christi fidelibus etiam in Orphanotrophijs educatis, & eruditis dictam Religionem ingredi volentibus in ipsius Præpositi, seu illius Vicarij manibus emittendi, & profiterendi, ac sub Regula Sancti Augustini in habitu tamen clericali, & honesto, ac locis in quibus vixerint, conformi incedendo viuendi, nec non Prælato, & Præposito, Vicarioque prædictis Vota huiusmodi in manibus illorum recipiendi liberam facultatem. Ac quod infra triennium proxime futurum hi, qui per decennium in dicta Congregatione laudabiliter vixerint vota prædicta emittere volentes nõ expectato anno probationis, triennio verò huiusmodi elapso, alij ipsa vota emittere volentes, non nisi elapso anno probationis, ac completo anno decimo sexto suæ ætatis in Ecclesia prædicta, aut alibi, vbi commodius Præposito, seu Vicario visum fuerit, vota prædicta, ita vt non sit locus tacitæ professioni, emittere, & profiteri; quòdque præfati, & pro tempore existentes Præpositus, Sacerdotes, Clerici, & Laici sub dicta Regula secundum Constitutiones per eos factas, seu faciendas viuere, omniaque, & singula quæcunque, quotque, & qualiacunque bona mobilia, seu immobilia dictæ Congregationis, seu eius locis, vel Ecclesijs ab vnuerſitatibus, communitatibus, & alijs etiam priuatis personis cuiusuis status, gradus, ordinis, qualitatis, & præminentia existant, testamento, vel codicillis, aut alia vltima voluntate, seu donatione etiam inter viuos, aut alijs quomodolibet, nec non oblationes sibi relicta, & relinquenda recipere, exigere, & in communi tantum possidere liberè, & licitè possint, & valeant, quòdque de cætero Congregatio prædicta Clericorum Regularium Sancti

Maioli,

Maioli, siue de Somascha appelleretur, similiter perpetuò statuimus, & ordinamus, & insuper quomodocunque pro tempore relicta Congregationi prædictæ, & non aliter expresso, vel declarato loco ex nunc, prout ex tunc, & è contra Ecclesiæ Sancti Maioli, ita quòd liceat pro tempore existenti Præposito per se, vel per alium, seu alios dictorum relictorum fructus, & emolumenta in sibi bene visos, & necessarios vsus, & vtilitatem Ecclesiæ Sancti Maioli, & Congregationis prædictorum, liberè, & licitè cõuertere, Ordinarij loci, vel cuiusuis alterius licetia desuper minimè requisita, autoritate, & tenore præsentium præmissis etiam perpetuò applicamus, & appropriamus, decernentes præsentis litteras de subreptionis, vel obreptionis, aut nullitatis, aliove vitio, seu intentionis nostræ defectu notari, argui, & impugnari, ac reuocari, limitari, moderari, suspendi, aut illis derogari, & sub quibusuis similibus gratiarum reuocationibus, derogationibus, limitationibus, moderationibus, suspensionibus, aut alijs contrarijs dispositionibus comprehendi non posse, & quoties ille emanabunt, toties in pristinum, & validissimum statum restituta, & de nouo concessa, & perpetuò valida, & efficacia esse, & fore, suosque plenarios, & integros effectus sortiri, & ita per quoscunque Iudices, & Commissarios quauis autoritate fungentes, sublata eis, & eorum cuiuslibet quauis aliter iudicandi, & interpretandi autoritate, & facultate, iudicari, & definiri debere, ac ex nunc irritum, & inane quicquid secus super his à quoquam quauis autoritate scienter, vel ignoranter contigerit attentari. Quò circa Venerabilibus Fratribus Amerinens. & Papien. ac Cremonens. Episcopis per præsentis mandamus, quatenus ipsi, vel duo, aut vnus eorum per se, vel alium, seu alios Congregationi, & futuro Præposito huiusmodi,

D 2 ac

ac illius singulis personis in præmissis efficacis defensionis præsidio assistentis faciant autoritate nostra Congregationem, illiusque Præpositum, & singulas personas concessionem, indulto, sta tuto, ordinatione, applicatione, appropriatione, & decreto huiusmodi pacificè frui, & gaudere, non permittentes eos desuper per quoscunque contra præsentium tenorem quomodolibet molestari, contradictores quoslibet, & rebelles, ac præmissis non parentes per censuras, & pœnas ecclesiasticas, aliaque Iuris remedia, appellatione postposita compescendo; nec non legitimis super his habendis seruatis Processibus, illos censuras, & pœnas ipsas incurrisse declarando; nec non eas etiam iteratis vicibus aggravando, inuocato etiam ad hoc si opus fuerit auxilio brachij sæcularis, non obstantibus præmissis; ac fel. mem. Bonifacij Papæ Octauij prædecessoris nostri de vna, & Concilij generalis de duabus dietis, dummodo quis vigore præsentium vltra tres dietas, ad Iudicium non trahatur, ac alijs quibusuis Constitutionibus, & Ordinationibus Apostolicis, nec non ipsius Congregationis, ac quorumuis Monasteriorum, & Ordinum etiam iuramento, & confirmatione Apostolica, vel quauis firmitate alia roboratis statutis, & consuetudinibus, Priuilegijs quoq; Indultis, & litteris Apostolicis illis, illorumque Superioribus, & personis sub quibuscunque tenoribus, et formis ac cum quibusuis etiam derogatorijs derogatorijs, alijsque efficacioribus efficacissimis restitutiuis, et insolitis clausulis, Irritantibusque, et alijs decretis in genere, vel specie, ac aliàs quomodolibet etiam iteratis vicibus concessis, confirmatis, et innouatis, quibus omnibus, et singulis etiam si aliàs pro illorum sufficienti derogatione de illis, illarumque totis tenoribus specialis, specifica, expressa, et indiuidua, non autem per clausulas generales idem importantes mentio, seu quæuis aliã expressio

pressio habenda, aut aliqua alia exquisita formã ad hoc seruanda foret, illorum tenores præsentibus pro sufficienter expressis, et insertis habentes, illis aliàs in suo robore permanfuris hac vice, duntaxat specialiter, et expressè derogamus, contrarijs quibuscunque, aut si aliquibus communitè, vel diuisim ab eadem sit Sede indultum, quod interdici, suspendi, vel excommunicari non possint per litteras Apostolicas non facientes plenam, et expressam, ac de verbo ad verbum de indulto huiusmodi mentionem.

Datum Romæ apud Sanctum Petrum sub Annulo Piscatoris die sexta Decembris MDLXVIII. Pontificatus Nostri Anno Tertio.

Caesar Glor.







# PII QVINTI BREVE.

## S V M M A R I V M.

- 1 *Quam plures Indulgentiæ Congregationi concedantur.*
- 2 *Vt Præpositus generalis residere Papiæ minimè teneatur, sed loca Congregationis perlustrat, & ubi opportunum videbitur, immoretur.*
- 3 *Benedicendi corporalia, & alia ecclesiastica indumenta, eidem Præposito Congregationis, & cæteris Rectoribus sacerdotibus facultas conceditur, excepto si vinctio adhibenda sit.*



**P**IVS PAPA Quintus, ad futuram rei memoriam. Romanus Pontifex fidelium omnium Pastor, licet in omnes benignitatem suam diffundat; eos tamen, qui Altissimo sub suavi Religionis iugo assiduè famulatum præstant, specialis favoris prærogativa, atque spiritualibus muneribus, & alijs gratijs libenter prosequitur. Nos igitur erga Congregationem Clericorum Regularium de Somascha nuncupatam, in Vineam Domini vberes fructus assiduè afferentem propensos nos, & benignos exhibere volentes Vniuersis, & singulis vtriusque sexus personis Congregationis Clericorum Regularium de Somascha huiusmodi, & sub ipsius regimine vbilibet nunc, & pro tempore degentibus, Vt omnibus, & singulis Quadragesimalibus, & alijs totius anni temporibus, & diebus stationum. Almæ Urbis nostræ visitando proprias Ecclesias, & in illis quinque Altaria, vbi extiterint, & vnum Psalmum Davidicum

dicum, vel quinquies Orationem Dominicam, & toties Salutationem Angelicam ante quodlibet Altare humili, & contrito corde recitando, Vel vbi tot Altaria non fuerint, ante vnum solum Altare septem Psalmos pœnitentiales, vel totum Rosarium videlicet 150. Salutationes Angelicas, & quindecim Dominicas Orationes deuotè pariter dicendo easdem stationum Indulgentias consequantur, quas consequerentur, si singulis temporibus, & diebus eisdem singulas dictæ Urbis, & extra illius Muros Basilicas, & Ecclesias à Christi fidelibus pro consequendis stationum Indulgentijs huiusmodi visitari solitas personaliter visitarent, cæteraque ad id necessaria adimplerent, de omnipotentis Dei misericordia, ac Beatorum Petri, et Pauli Apostolorum eius auctoritate confisi tenore præsentium concedimus, et indulgemus. Præterea omnibus sub eiusdem Congregationis Regimine pro tempore existentibus officium legere nescientibus, qui tertiam partem Rosarij Beatissimæ Virginis Mariæ quotidie deuotè dixerint, toties quinquaginta dies de vera Indulgentia in forma Ecclesiæ consueta eadem auctoritate concedimus. Cum autem per Visitationis munus Religiosi in officio contineantur, et ex inde magni fructus quotidie proueniant, volumus, atque decernimus quòd Præpositus Generalis dictæ Congregationis nunc, et pro tempore existens Papiæ residere minimè teneatur, sed loca sibi subiecta visitare, ibique, vbi eius præsentia magis necessaria esse sibi videbitur, morari possit. Insuper eidem Præposito, vt Corporalia, ac Paraméta, aliaq; omnia Ecclesiastica ab Episcopis benedici solita, exceptis his, in quibus vinctio adhibetur, pro vsu ipsius Congregationis, nec non etiam Rectoribus Sacerdotibus de eadem Congregatione Paramenta Ecclesiastica pro suarum Ecclesiarum vsu, benedicere possint, et valeant, earundem præsentium tenore

tenore facultatē impartimur: non obstantibus quibusvis Apostolicis, et in Prouincialibus, et Synodalibus Concilijs, dictis generalibus, vel specialibus, Constitutionibus, et Ordinationibus, nec non dictæ Congregationis statutis, et Consuetudinibus, etiam Iuramento, confirmatione Apostolica, vel quauis firmitate alia roboratis; Priuilegijs quoque, Indultis, et litteris Apostolicis in contrarium quomodolibet concessis, et confirmatis. Quibus omnibus eorum tenores, ac si de verbo, ad verbum infererentur presentibus pro expressis habentes ad effectum presentium specialiter, et expresse derogamus, cæterisque contrarijs quibuscunque. Volumus autem quod presentium transumptis manu alicuius Notarij publici subscriptis, et sigillo alicuius personæ in dignitate Ecclesiastica constitutæ munitis eadem fides adhibeatur, quæ presentibus originalibus litteris adhiberetur, si forent exhibitæ, vel ostentæ.

Datum Romæ apud Sanctum Petrum sub Annulo Piscatoris, die Quinta Ianuarij MDLXVII. Pontificatus nostri anno sexto.

Cæs. Glorierius.



SIXTVS

# SIXTI QVINTI B V L L A.

S V M M A R I V M.

- 1 Eximuntur bona Congregationis, & omnia ad ipsam pertinentia ab omni iurisdictione, & locorum ordinariorum potestate.
- 2 Conceditur Sacerdotibus eiusdem facultas celebrandi in alienis Ecclesijs, audiendi confessiones quorumcumque fidelium, & sacrum Eucharistiæ sacramentum ministrandi, excepto die Paschatis.
- 3 Vt non possint cogi ad funera, aut ad præstandum personale officium maioribus Ecclesijs, neque etiam episcopis.
- 4 Vt non possint professi Congregationis ad aliam religionem transire, etiam altiore sine superioris licentia, exceptis tribus, secus facientes Apostasia puniuntur.
- 5 Vt possint ipso professionis die a delecto sibi Confessario ab omnibus casibus, etiam bulla in cæna Domini absolui, à quacunque irregularitate, excepta bigamia, & homicidij voluntarij.



**S**IXTVS EPISCOPVS Seruus seruorum Dei. Ad perpetuam rei memoriam. Equum reputamus, & rationi consonum, vt ea, quæ de Romani Pontificis prouidentia, præsertim in personarum Ecclesiasticarum commodum, processerunt, licet eius superueniente obitu litteræ Apostolicæ desuper confectæ non fuerint, suum sortiantur effectum. Dudum si quidem fel. record. Gregorio Papa XIII, prædecessore nostro pro parte Dilectorum filiorum Prepositi, & Clericorum, aliarumque personarum Regularium Congregationis Sancti Maioli, aliàs Somaschæ sub Regula Sancti Augustini canonicè institutæ, & Apostolica autoritate confirmatæ supplicato, quatenus eos specialibus fauoribus, & gratijs prosequi de benignitate Apostolica dignaretur præfatus Prædecessor, qui circa statum personarum quarumlibet

E diuino

diuino cultui emancipatarum salubriter dirigendum pater-  
na sollicitudine libenter prospiciebat, ac earum oppressio-  
nes, & grauamina releuabat, vt quibuslibet perturbationi-  
bus semotis facilius valerent Altissimo suum exhibere fa-  
mularum; eosdem Præpositum, Clericos, & personas Regu-  
lares specialis gratiæ fauore prosequi volens, & à quibusuis  
Excommunicationis, suspensionis, & Interdicti, alijsque  
Ecclesiasticis sententijs, censuris, & pœnis à Iure, vel ab ho-  
mine, quauis occasione, vel causa latis, si quibus quomodo-  
libet innodati existebant, ad effectum infra scriptorum dun-  
taxat consequendum, absoluens, & absolutos fore censens  
huiusmodi supplicationibus inclinatus sub datum 13. Id.  
Martij Pont. sui anno 13. Omnes, & singulos dictæ Con-  
gregationis Præpositum generalem, superiores, Officiales,  
Presbyteros, Clericos, ceterasque personas professas, & non  
professas, nec non familiares, & ministros, cū omnib. & sin-  
gulis Ecclesijs, Oratorijs, Cœneterijs, Capellis, Domi-  
bus, Conuentibus, mobilibus, & immobilibus, præsentib. &  
futuris bonis, ac iurib. & iurisdictionib. quibuscūq; ac reb.  
tam sacris, & religiosis, quàm profanis ad ipsam Congrega-  
tionem spectantib. & pertinentib. & vbiq; existentibus,  
quæ de præsentibus legitimè possident, & in posterum Deo iuuan-  
te canonicè per eos acquiri cōtigerit, ab omni iurisdictione,  
dominio, potestate, superioritate, subiectione, visitatione,  
correctione quorumcūq; locorum ordinatum, quacūq;  
dignitate præminentia, & authoritate fungentib. & aliorū  
Iudicum Ecclesiasticorum, & Sæcularium Apostolica autho-  
ritate in perpetuum exemit, & liberauit, & sub sua, & Sedis  
Apostolicæ, ac Beati Petri protectione immediatè recepit, ip-  
sōq; Præposito generali, Clericis, & personis, vt iisdē Ordina-  
narij, vel Vicarij, & Officiales, aut alij quicūq; Iudices, etiā  
ratione criminis, delicti contractus, vel rei de qua ageretur,  
vbiq;

vbiq; committeretur delictum, iniureretur contractus, &  
res ipsa consisteret, nullam in Præpositum, personas Cōgre-  
gationis, ac res, & bona præfata iurisdictione, potestate, su-  
perioritate, & dominium exercere possent; nec non omnes,  
& singuli ipsius Cōgregationis Presbyteri Regulares à suis  
Superiorib. ad id specialiter approbati, eorumq; licentia, vel  
consensu desuper requisito, & obtento possent in Ecclesijs  
proprijs ipsius Cōgregationis, vel etiā in alijs etiam quibus-  
cūq; de licentia illorum superiorum Missas celebrare; Cō-  
fessiones quorūcūque Christi fidelium, et alienæ Parochiæ  
subditorum audire, & Sanctiss. Eucharistiæ Sacramentum  
ministrare quibuscūq; festiuis, & nō festiuis, ac Dominicis  
dieb. & omnib. tēporib. Paschatis duntaxat exceptis, neque  
sub prætextu antiquæ cōsuetudinis, et ex eo quod Ecclesiæ in  
quib. Sacramenta hmoi ministrarēt, aut munia obirent, aut  
alio modo deseruirēt subditæ essent alteri Ecclesiæ tanq̃ Ma-  
trici, aut Cathedrali, seu titulari, vel aliàs, idcirco in aliquib.  
solemnitatibus, aut temporibus iuxta priscum morem Cle-  
ricorum deseruientium in talibus Ecclesijs subditis ipsi  
Presbyteri, & Clerici regulares dictæ Cōgregationis maio-  
ribus huiusmodi Ecclesijs, vel locorum Ordinarijs, etiam  
Episcopali, vel Archiepiscopali, aut maiori dignitate fungē-  
tibus, etiam S. R. E. Cardinalibus quocūq; priuilegio, & fa-  
cultate suffultis assistere, seu inseruire, siue vllum personale  
seruitiū præstare, aut aliquomodo ministrare, neque ad func-  
ra defunctorum, nisi eorum, quos in Ecclesijs ipsius Congre-  
gationis sepelire cōtigerit, etiam vocati accedere tenerentur,  
neque ad id cogi, aut compelli vllō modo possent, dicta au-  
toritate concessit, & indulgit. Præterea vniuersis, & singu-  
lis, qui in ipsa Cōgregatione professionem emisserant, vel  
imitterent, ne in posterum ad quemcūq; alium Ordinem,  
vel Cōgregationem, etiam si arctior in eo vigeret regula-

E 2 ris

ris obseruantia, fratrum Minorum Capucinorū nuncupat.  
 & Cartusianorum duntaxat Ordinib. exceptis, nisi obren-  
 prius à Superiore dictæ Congregationis licentia, transire va-  
 lerēt, & in singulos tam transeuntes Apostasiæ pœnā, quàm  
 ipsos, & illorum receptores, et cuiuscūq; Priuilegij aposto-  
 lici pretextu, cui adhuc effectum, idem Prædecessor specia-  
 liter, & expresse derogauit, excommunicationis sententiā,  
 à qua non nisi per Romanum Pontificem pro tempore exis-  
 tētē absolui possent, promulgauit. Postremò omnib. & qui-  
 5 buscunq; personis professionem regulare in dicta Congre-  
 gatione emissuris, in ipsa Professionis emissionis die, vt ali-  
 que dictæ Congregationis Presbyterum sibi posset eligere  
 cōfessorem, qui ipsos confessione eorum tunc audita à qui-  
 busuis excommunicationib. alijsq; Ecclesiasticis sententijs, cē-  
 suris, & pœnis à iure, vel ab homine, etiā in quib. inordelce-  
 rent, & declarati, & publicati forēt, etiam in casib. sedi Apo-  
 stolicæ reseruatis, & in Bulla die Cęnę Domini legi solita cō-  
 tentis, facta prius debita satisfactione, & sine alicuius præiu-  
 dicio, semel tantum iniuncta salutari pœnitentiā absoluerē  
 possent, facultatem concessit, & indulgit, ac cum eisdē super  
 quacunque Irregularitate ex quacunq; causa, præterquam  
 ex homicidio voluntario, ac bigamia quomodolibet contra-  
 cta, et si censuris præfatis ligati Missas, & alia diuina Officia,  
 non tamen in contemptum Clauium celebrarent, vel aliàs  
 diuinis se immiscerēt, ita vt ea non obstante nõdū promoti,  
 omnes etiam sacros, & presbyteratus Ordines suscipere, &  
 promoti in susceptis p eos Ordinib. huiusmodi, et in Altaris  
 ministerio ministrare liberè, & licitè valerent, eo ipso, quòd  
 professionē emitterent auctoritate præfata dispensauit; non  
 obstantib. quibusuis Constitutionib. & Ordinationib. Apo-  
 stolicis, ac in Prouincialibus, & Synodalib. Concilijs editis  
 generalib. vel specialibus, nec non quibusuis Decretis, etiam

iuramento

iuramento, confirmatione Apostolica, vel quauis firmitate  
 alia robotatis, Statutis, & Consuetudinibus, cæterisq; con-  
 trarijs quibuscunq; Ne autem de Absolutione, exemptione,  
 liberatione, receptione, singulis cōcessionibus, Indultis,  
 & dispensatione Gregorij prædecessoris huiusmodi pro eo,  
 quòd super illis, eius superueniente obitu, litteræ confectæ  
 non fuerunt, valeat quomodolibet hesitari, ipsique Præposi-  
 tus Generalis, Clerici, & aliæ personæ Congregationis hu-  
 iusmodi illorum frustrarētur effectū, Volumus, & similiter  
 Apostolica auctoritate decernimus, quòd absolutio, exem-  
 ptio, liberatio, receptio, singulę concessiones, Indulta, & di-  
 spensatio Gregorij prædecessoris huiusmodi per inde à di-  
 cta die Id. Martij suum sortiātur effectū, ac si super illis præ-  
 dicti Gregorij prædecessoris litteræ sub eiusdem diei dat.  
 confectæ fuissent, prout superius enarratur. Quòd q; præsen-  
 tes litterę ad probandum plenè absolutionem, exemptionē,  
 liberationem, receptionem, singulas concessiones, indulta,  
 & dispensationem Gregorij prædecessoris huiusmodi ubiq;  
 sufficiant, nec ad id probationis alterius adminiculum requi-  
 ratur. Nulli ergo omnino hominum liceat hanc paginam no-  
 stræ voluntatis, & decreti infringere, vel ei ausu temerario,  
 contraire. Si quis autem hoc attentare præsumperit, indi-  
 gnationem Omnipotentis Dei, ac Beatorum Petri, & Pauli  
 Apostolorum eius se nouerit incursum.

Datum Romæ apud Sanctum Petrum anno Incarnatio-  
 nis Dominicæ 1585. Kalend. Maij. Pontificatus Nostri  
 anno primo.

Locus † Sigilli plumbei.

CLEMENTIS

38  
**CLEMENTIS VIII.**

26 apr. 1593 **B V L L A**

**S V M M A R I V M.**

- 1 *Omnia Privilegia Sixti Quinti, & Gregorij Decimiterij, rata sunt & confirmantur, & Constitutiones ac Statuta Congregationis approbantur, & roborantur.*
- 2 *Defectum natalium dispensandi ad omnes ordines suscipiendos ad quamcunque Congregationis administrationem, & dignitatem suscipiendam facultas conceditur.*
- 3 *Ut possint Visitatores Congregationis Orphanotrophia & loca puerorum & puellarum eorum cura subiecta ut libuerit inuisere, etiam non obtenta à Gubernatoribus rerum temporalium licentia, impediens anathemate multantur.*
- 4 *Ab onere audiendi confessiones Monialium præterquam Orphanarum liberantur nonnis de consensu duarum ex tribus partibus Capituli Generalis huiusmodi onera suscipere possunt.*
- 5 *Omnes professiones emissa validæ ratæque sunt.*
- 6 *Ab omnibus derogationibus &c. hæc Bulla eximuntur.*



**C**LEMENTIS EPISCOPVS Seruus ser-  
uorum Dei ad perpetuam rei memoriam.  
Decet ex benignitate Sedis Apostolicę stu-  
dio prouenire, & ea, quæ pro diuini cul-  
tus augmento, Religionis propagatio-  
ne, & animarum salute prouida statione  
concessa sunt, suæ protectionis munimine confouere. Vnde  
nos ad eiusdem apicem diuina disponente clementia assum-  
pti, his quæ propterea facta comperimus, nostræ approba-  
tionis robur, cum à nobis petitur, libenter adiicimus, vt eò  
firmius subsistant, quò Sedis eiusdem protectione sæpius  
fuerunt circumfulta. Sanè pro parte dilectorum filiorum  
Præpositi, & Presbyterorum Congregationis Clericorum  
regularium de Somascha aliàs Sancti Maioli Papien. nuncu-

pata

pata exhibita nobis nuper petitiõ continebat, quòd cum  
iam ab Anno Domini 1528. ad gloriam omnipotentis Dei,  
populorumque ædificationem, & salutem, ac pauperum  
subuentionem vna pia Congregatio Clericorum regulariũ  
de Somascha, aliàs Sancti Maioli Papien. nuncupata, cuius  
fundator, & primus auctor fuit q. Hieronymus Miani Ciuis  
Venerus instituta, & postea à fel. re. Paulo III. cum facultate  
eligendi Superiorem, & cõdendi Constitutiones, locaq; pro  
educatione Orphanorum, & alijs operibus pijs exercendis  
vbicunq; accipiendi: Nec non à piæ mem. Pio III. qui etiam  
nonnullas Indulgentias, & gratias spirituales ei concessit, ap-  
probata; & demum à recolendæ mem. Pio V. Romanis Pon-  
tificibus prædecessoribus nostris in Religionem Clericorum  
regularium huiusmodi cum facultate emittendi tria Vota,  
redacta, atque erecta, exindeq; eadem Religio, cui vnus Præ-  
positus generalis eius Gubernator, & Rector præst, & cuius  
ministri pro tẽpore probati, & magis idonei reperti, simulq;  
vita, moribus, & charitatis feruore commendati ipsorum  
Orphanorum, nec nõ etiã aliquorum Seminariorum, quorũ  
ipsa Congregatio curam suscepit, ac Scholarum, & Acade-  
miarum in ea tam ad Orphanorum, quàm aliorum puerorũ  
institutione erectam, alijsq; pijs operib. & exercitijs occupã-  
tur diuersimodè, & in quam plurimis Italiæ ciuitatib. ac lo-  
cis ad maiore Dei omnipotentis gloriam, & eius fidei propa-  
gatione, proximiq; subuentione aucta, & propagata fuerit, ac  
in dies propagetur, vberesq; fructus in Vineâ Domini ex ea  
dem prouenire noscantur, intuituq; et in fauore tam piorũ  
operũ similis memoriæ Gregorius Papæ XIII. similiter præ-  
decessor noster eidem Congregationis inter cetera sub da-  
tum 13. Id. Martij Pont. sui anno 13. Præpositum genera-  
lem, aliosque Superiores, et personas professas, et non pro-  
fessas eiusdẽ Congregationis, nec nõ familiares, et ministros  
cum

cum omnibus suis Ecclesijs, Oratorijs, Cœmeterijs, Capellis, omnibus, Conuentibus, mobilibus, & immobilibus, alijsq; bonis, ac iuribus, Iurisdictionibus, et rebus, tam presentibus, et futuris, tam sacris et religiosis, quam profanis ad dictam Cōgregationē spectantibus, vel quæ in futurum spectarent, ab omni iurisdictione, dominio, potestate, superioritate, subiectione, visitatione, et correctione quorumcunque locorum Ordinariorum quacunque dignitate, præminencia, et auctoritate fungentium, et aliorum Iudicum Ecclesiasticorum, et Secularium Apostolica auctoritate in perpetuum exemit, et liberauit, & sub sua, & Sedis Apostolicæ, ac Beati Petri protectione immediatè recepit; Nec non Præposito Generali, & alijs præfatis, quod iidem Ordinarij, vel Vicarij, & Officiales, aut alij quicumque Iudices, etiam ratione criminis, delicti, contractus, vel rei, de qua agitur, ubicunque committatur delictum, incurratur contractus, & res ipsa consistat, nullam in præpositum, personas, res, & bona Cōgregationis huiusmodi iurisdictionem exercere possint, præterquam in casibus decretorum. Conc. Trid. ipsi verò Presbyteri dictæ Cōgregationis regulares Missas celebrare, & Cōfessiones etiam alienæ Parochiæ subditorum audire, & sacram Eucharistiā omnibus anni temporibus, Paschatis duntaxat exceptis, ministrare valeant, concesserit, ac quod Ecclesiæ dictæ Cōgregationis non essent subditæ alteri Ecclesiæ, tanquam Matrici, vel Cathedrali, seu titulari, ipsique Presbyteri, & Clerici regulares maioribus huiusmodi Ecclesijs, vel locorum Ordinarijs, etiam Cardinalibus assistere, vel seruitium aliquod præstare, seu ad funera defunctorum, nisi eorum, quorum Cadavera in Ecclesijs ipsius Cōgregationis sepelirentur, accedere minimè tenerentur, etiam cōcesserit, & indulerit, volueritque, quod illi, qui in dicta Cōgregatione professionem pro tempore emisissent, ad aliquem alium Ordinem,

&amp;

& Cōgregationem, etiam si arctior inibi vigeret Regularis obseruantia, exceptis solum Ordinibus Capucinorum, & Carthusianorum, nisi obtenta prius à Superiore dictæ Cōgregationis licentia, transire nullatenus possent sub pœnâ apostasiæ, ac excommunicationis latæ sententiæ, quam tam in ipsos transeuntes, quam eorum receptores, etiam cuiuscunque priuilegij Apostolici prætextu, cui ad hunc effectum specialiter derogauit, à qua non nisi à Romano Pontifice, præterquam in articulo mortis absolui valerent, promulgauit, & aliàs, prout in Pauli Tertij, Pij Quarti, & Pij Quinti, ac pro eo, quod antequam litteræ super exemptione, & alijs præfatis conficerentur, dictus Gregorius prædecessor rebus fuisset humanis exemptus, in similis m. Sixti Quinti, pariter prædecessoris nostri litteris desuper confectis plenius continetur. Cum autem, sicut eadem expositio subiungebat, ipsi Præpositus, & presbyteri cupiant præmissa omnia per nos confirmari, & approbari, nobis humiliter supplicari fecerunt, quatenus eorum desiderio annuere, aliàsque in præmissis opportunè providere de benignitate Apostolica dignaremur. Nos attendentes ad diligentem, & fructuosam culturam ipsius Vineæ Domini, quam prædicti Presbyteri, & Clerici Regulares studio indefesso multis pijs, ac laudabilibus exercitijs in dies faciunt, ac volentes propterea illos, dictamque Cōgregationem amplioribus fauoribus, & gratijs prosequi, Præpositum, & singulares personas Cōgregationis huiusmodi à quibusuis excommun. suspensio. et Interdicti, alijsq; Ecclesiasticis sententijs, censuris, et pœnis à iure, vel ab homine, quauis occasione, vel causa latis, si quibus quomodolibet innodati existunt, ad effectum presentium duntaxat cōsequendū harū serie absoluētis, et absolutos fore cēsentes hmōi supplicationibus inclinati omnia, et singula præfata, et quæcūq;

F alia

1 alia Priuilegia, Exemptiones, Immunitates, concessiones, facultates, prerogatiuas, indulta, fauores, & gratias prefatae Congregationi, singulisque illius Domibus, Conuentibus, collegijs, Ecclesijs, Capellis, Oratorijs, Hospitalibus, & locis, nec non Praeposito Generali, alijsque Superioribus, & personis tam professis, quam non professis, ac familiaribus, domesticis, eiusque alijs quomodolibet inseruientibus, tam per supradictos, quam alios Romanos Pontifices praedecessores nostros, ac nos, & Sedem Apostolicam, eiusque auctoritate quomodolibet concessa, ac desuper confectas litteras, omniaque in eis contenta: Nec non etiam omnia, & singula statuta, ordinationes, Regulas, & constitutiones in vniuersa Congregatione praedicta hucusque editas, licitas tamen, & honestas, sacrisque Canonibus, & Concilio Tridentino minime contrarias auctoritate Apostolica tenore praesentium perpetuo approbamus, & confirmamus, illisque omnibus, & singulis Apostolicae firmitatis robur adijcimus, suppletes omnes, & singulos, ac quoscunque, & qualescunque Iuris, & facti, ac etiam solemnitarum, & alios quantumuis substantiales etiam de necessitate exprimendos defectus, si qui in eis, aut eorum aliquo quomodolibet interuenerint. Ac insuper eidem Congregationi, eiusque Praeposito Generali, quod ipse Praepositus cum voto eius Consiliariorum a Capitulo generali deputatorum cum quibusuis eiusdem Congregationis professis defectum Natalium patientibus, etiam ad eosdem omnes, etiam sacros, & presbyteratus Ordines suscipiendum, ac in eisdem in Altaris ministerio etiam ministrandum, nec non ad quamcunque ipsius Congregationis administrationem, officium, & dignitatem recipiendum, ac retinendum, & exercendum dispensare, idemque Praepositus Generalis, & Visitatores eiusdem Congregationis toties, quoties opus esse iudicauerit, Orphanotrophia,

notrophia, & loca tam puerorum, quam puellarum sub cura, regimine, & administratione, ac disciplina dictae Congregationis existetia, absque eo, quod desuper a Gubernatoribus, siue Economis, & Administratoribus rerum temporalium ipsorum impediatur, sub poena Excommunicationis maioris latae sententiae statim per impediens, ipso facto incurrenda, si post monitionem ab Episcopo faciendam ab huiusmodi impedimentis non destiterint, a qua non nisi a Sede Apostolica, praeterquam in mortis articulo absolui queant, sine prauidicio Iurium Episcopi, visitare, & quae reformanda fuerint circa disciplinam eorundem Puerorum, & Puellarum, ac regimen spirituale, reformare liberè, & licite valeant, auctoritate, & tenore praesentium praefatis licentiam, & facultatem concedimus, & impertimur. Vt autem Congregatio ipsa, ac sub eius instituto militantes personae Orphanis, ac Seminarijs puerorum liberius, & melius inseruire, & quae sui instituti sunt, adimplere possint, ipsaque Disciplina Regularis in Domibus, Collegijs, & Locis illius magis vigeat, eandem Congregationem, singulaque illius Collegia, & loca, ac eorum Superiores, & alios ab omni onere audiendi confessiones ordinarias quarumcunque Monialium, praeterquam Orphanarum iuxta antiquum ipsius Congregationis institutum; nec non ab omnibus alijs oneribus, & curis, quae seruituti, & commoditati Orphanorum, Seminariorum, & disciplinae regularis huiusmodi impedimento, & damno esse quoquomodo possunt, omnino, & de caetero nullus, etiam si sit Praepositus Generalis, aliqua huiusmodi onera, vel curas nisi de consensu duarum ex tribus partibus Capituli Generalis suscipere audeat, neque possit. Postremo omnes Professiones emissas usque in praesentem diem a quibusuis Clericis, & Laicis dictae Congregationis, etiam si in manibus Praepositi Generalis, aut eius Vicarij, sed alio-

rum presbyterorum inibi professorum factæ sint, neque constet illos eo tempore auctoritatem tales professiones recipiendi habuisse, validas, firmasque, & ratas esse, & fore, perinde ac si à Præposito Generali, vel eius Vicario prædicto receptæ essent, dummodo tamen aliàs canonicè factæ fuissent, & tales professi professioni huiusmodi hodie acquiescant, licereque impostero Præposito Generali prædicto huiusmodi facultatem admittendi ad professionem cuiuslibet Præposito, vel Rectori inferiori eiusdem Congregationis demandare, seruata in reliquis forma Constitutionis eiusdem Sixti prædecessoris desuper editæ. Præsentes quoque litteras nullo vnquam tempore de subreptionis, vel obreptionis, seu nullitatis vitio, aut intentionis nostræ vel quocunque alio defectu notari, impugnari, seu quomodolibet, infringi, vel in Ius, aut controuersiam vocari, aut etiam aduersus eas quodcunque iuris, gratiæ, vel facti remedium impetrari, seu etiam motu proprio concedi possit; Neque sub quibusuis similibus, vel dissimilibus gratiarum reuocationibus, limitationibus, suspensionibus, derogationibus, aut alijs contrarijs dispositionibus pro tempore emanatis comprehendendi, sed semper, & omni tempore, ac omnino ab illis excipi, & quoties emanabunt, toties in pristinum, & validissimum statum suum restitutas, repositas, & plenariè redintegratas, ac de nouo etiam sub quacunque posteriori data per Generalem, & alios Præpositos præfatos pro tempore eligendos concessas, illasque perpetuo validas, & efficaces esse, & censeri, plenamque roboris firmitatem obtinere. Neque Congregationem, & Præpositum Generalem, & alios Superiores, ac personas illius super eisdem præmissis, illorumque possessione, usu, & commodo pacificis per locorum Ordinarios, aut quoscunque alios quomodolibet molestari, perturbari, seu inquietari, vel impediri posse,

posse, sicque, & non aliàs per quoscunque Iudices ordinarios, & delegatos, ac etiam causarum Palatii Apostolici Auditores, & Sanctæ Romanæ Ecclesiæ Cardinales, etiam de latere Legatos, Vicelegatos, & alios Ecclesiasticos, & seculares, sublata eis, & eorum cuiuslibet quauis aliter iudicandi, & interpretandi facultate, & auctoritate iudicari, & desiniri debere, nec non quicquid secus super his à quoquam quauis auctoritate scienter, vel ignorantè contigerit attentari, irritum, & inane decernimus, non obstantibus præmissis, ac dicti SIXTI, prædecessoris super admittendis Religiosis edita, & quibusuis alijs Apostolicis, nec non in prouincialibus, & Synodalibus Concilijs editis, specialibus, vel generalibus Constitutionibus, & Ordinationibus, ac etiam Iuramento, confirmatione Apostolica, vel quauis firmitate alia roboratis, Statutis, & Consuetudinibus, Legibus, reformationibus, priuilegijs quoque, indultis, ac litteris Apostolicis quibusuis Superioribus, & personis sub quibuscunque tenoribus, & formis, ac cum quibusuis, etiam derogatorijs derogatorijs, alijsque efficacioribus, & insolitis clausulis, ac irritantibus, & alijs decretis in genere, vel in specie etiam Motu simili, & aliàs in contrarium quomodolibet, etiam pluries, & iteratis vicibus concessis, approbatis, & innouatis. Quibus omnibus, etiam si de illis, eorumque totis tenoribus specialis, specifica, indiuidua, & expressa, ac de verbo ad verbum, non autem per clausulas generales idem importantes mentio, aut quauis alia expressio habenda, aut aliqua alia exquisita forma ad hoc seruanda foret, illis aliàs in suo robore permanfuris hac vice duntaxat specialiter, & expresse derogamus, cæterisque contrarijs quibuscunque. Nulli ergo omnino hominum liceat



liceat hanc paginam nostræ absolutionis, approbationis, confirmationis, adiectionis, suppletionis, concessionis, impartitionis, liberationis, decreti, & derogationis infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, & Beatorum Petri, & Pauli Apostolorum eius se noverit incursurum.

Datum Romæ apud Sanctum Marcum anno Incarnationis Dominicæ Millesimo Quingentesimo Nonagesimo tertio, Sexto Kalend. Maij. Pontificatus Nostri Anno secundo.

Locus † Sigilli Plumbei.



CLEMENTIS

# CLEMENTIS VIII.

## B V L L A

S V M M A R I V M.

*Declaratur valida professio in manu delegati à Præposito Generali, vel Vicario Generali emissa.*



6-X-1594

LEMENS PAPA Octauus, Ad perpetuam rei memoriam. Romanus Pontifex ex debito Pastoralis officij sibi ex alto commissi, ne personarum sub suaui Religionis iugo Deo famulantium status perturbetur, sed quò magis fieri potest, quietus, & tranquillus manuteneatur, libenter prouidet, & super litteris, & gratijs concessis, quæ perturbationis occasionem præbere posse videntur, declarationis remedium adhibet, & alia facit, prout conspicit in Domino salubriter expedire. Cum itaque nos aliàs in litteris nostris Priuilegiolorum, quæ Congregationi Clericorum Regularium de Somascha, aliàs Sancti Maioli Papiens. nuncupat. sub sexto Kalend. Maij Pontificatus nostri anno secundo concessimus, voluerimus omnes professiones emissas à quibusuis Clericis, & Laicis dictæ Congregationis, etiam si non in manibus Præpositi Generalis, vel eius Vicarij iuxta formam Indulti fel. record. Pij Papæ Quinti prædecessoris nostri, sed aliorum Presbyterorum inibi professorum factæ fuissent, validas, firmasq; & ratas esse, & fore, ac si à Præposito Generali, vel eius Vicario receptæ essent, dummodò tamen aliàs canonicè factæ extitissent, & tales professi professioni huiusmodi hodie acquiescerent, prout in præfatis nostris

nostris litteris plenius continetur, & sicut nobis nuper nomine Congregationis predictæ expositum fuit, ex earundem litterarum verbis nonnulli dictæ Congregationis, qui ante illarum concessionem numquam reclamauerunt, occasionem reclamandi sumpserint, propterea, quod non in manibus Præpositi Generalis, vel Vicarij delegatorum professi sunt, intelligentes verba prædicti indulgi prædecessoris nostri de Vicario Generali, & non de quolibet delegato à Præposito, vel Vicario generali; hinc est quod nos, qui singulorum Christi fidelium, præcipuè verò similium Religiosorum Agri Dominici cultorum quietem sinceris desideramus affectibus, nostrarum litterarum præfatarum tenores præsentibus pro expressis habentes, ex sententia Venerabilium Fratrum nostrorum Sanctæ Romanæ Ecclesiæ Cardinalium Episcoporum, & Regularium negotijs præfectorum, autoritate Apostolica tenore præsentium decernimus, & declaramus dispositionem Indulgi præfati prædecessoris, dum voluit professiones emittendas esse, & fore in manibus Præpositi Generalis, vel eius Vicarij, intelligendam esse nedum de Præposito, & Vicario generali, sed etiam de quolibet ab eisdem delegato, & per consequens omnes, & singulas Professiones emissas in manibus quorumcunque Presbyterorum præfate Congregationis ipsius Præpositi Generalis, vel Vicarij etiam generalis delegatorum, ac eorum nomine à prædictis Presbyteris receptas, licet per se ipsos tantum, & proprio nomine illas recipiendi auctoritatem non habuerint, validas fuisse, & esse, & alia validatione non indiguisse, nec indigere; & propterea omnibus, & singulis in manibus prædictorum, ut supra delegatorum professis Presbyteris, Clericis, et Laicis super præmissis perpetuum silentium imponimus, et imponi mandamus, nec desuper ab aliquo excipi, et  
 opponi

opponi posse, sicque per quoscunque Iudices, & Commissarios quavis autoritate fungentes iudicari, & defini debere, ac irritum, & inane esse volumus, & pariter declaramus quicquid secus à quoquam quavis autoritate scienter, vel ignoranter contigerit attentari: Non obstantibus præmissis, ac quibusvis Constitutionibus, & Ordinationibus Apostolicis, nec non statutis, & consuetudinibus, ac Pij prædecessoris præfati, & alijs litteris similiter Apostolicis, nec non illis omnibus, quæ in præfatis nostris litteris volumus non obstare, ceterisque contrarijs quibuscunque. Volumus etiam, quod præsentium Transumptis manu alicuius Notarij publici subscriptis, & Sigillo alicuius personæ in dignitate Ecclesiastica constitutæ munitis eadem fides adhibeatur, quæ præsentibus originalibus litteris adhiberetur, si forent exhibitæ, vel ostensæ.

Datum Romæ Apud Sanctum Marcum sub Annulo Piscatoris Die sexta Octobris Millesimo Quingentesimo Nonagesimo Quarto. Pontificatus nostri Anno tertio.

Locus i Annuli Piscatoris.

M. Vestrius Barbianus.

# CLEMENTIS VIII

## B V L L A

1594

23-71

### S V M M A R I V M.

*Declarantur professi omnes emissis denuo votis, de quorum professione scrupulus subesse potest, & privilegia omnia concessa illis communicantur.*



**C**LEMENTIS Papa VIII. Ad perpetuam rei memoriam. Decet Romanum Pontificem Religiosorum status, & conscientiarum securitati opportunè consulere, prout in Domino salubriter conspicit expedire. Nuper si quidem dilecti filij Præpositi Generalis Congregationis Clericorum regularium Somascha, alias Sancti Maioli Papiensis nomine nobis expositum fuit, quod eum dudum fel. record. Pius Papa Quintus, prædecessor noster per suas litteras eidem Congregationi, in qua antea Vota, & Professio regularia non emittebantur, ut qui in ipsa Congregatione manere, aut de cætero ingredi vellent, etiam Vota, ac professionem regularia huiusmodi emittre valerent, quòdque hi, qui antea per decennium in eadem Congregatione laudabiliter vixerant, in eadem professionem huiusmodi absque probationis anno incontinenti emittre valerent, facultatem ad triennium duraturam concessisset, ipsoque triennio elapso professionem huiusmodi emissuros probationis annum antea complere voluisset, prout in eiusdem Pij prædecessoris litteris plenius continetur; Nuper ortum fuit dubium ex interpretatione dictarum litterarum, nùm aliquorum, qui in dictam Congregationem, non ut Ministri,

sed

sed ut Scholares, vel partim Ministri & partim Scholares à pueritia in eadem per decennium continuum laudabiliter permanerant, & aliorum, qui non per decennium continuum, sed interpollatum, ac quandoque intermissum in eadem Congregatione vixerunt, professiones sic in continenti, absque anno probationis emissæ, & factæ veræ, validæ, & legitimæ essent, præsertim, quia nonnulli istorum Præpositi, & Vicarij Generales existerunt, ac aliorum professiones receperunt, ac alia multa in ipsa Congregatione egerunt. Nos ad omne dubium removendum viæ voeis oraculo dilecto filio nostro Francisco Tituli Sanctæ Mariæ Transpontinæ presbytero Cardinali Toletano nuncupato facto eidem Congregationi concessimus, ut sic, ut præmittitur in ea professi denuò in manibus Præpositi Generalis, aut alicuius personæ in dignitate Ecclesiastica constitutæ profiteri valerent, & uti sic professi essent, eorum locis, officijs, & dignitatibus fruerentur, ac si ab initio professi essent, ac omnia eorum acta valida, & firma forent. Cum autem, sicut eadem expositio subiungebat, iam nonnulli, qui decorum professionis validitate dubitabant, coram toto Capitulo generali Cremonæ celebrato in manibus eiusdem Præpositi Generalis, & unus hic Romæ in manibus dilecti filij nostri in Vrbe Vicarij Vicegerentis ad maiorem eorum Conscientiarum securitatem huiusmodi professionem de nouo emisissent, & alij fortassis simili modo professionem denuò emissuri sint, Nos volentes validitati professionum huiusmodi, ac omnium per ipsos sic de nouo professos, antenouam huiusmodi professionem in eadem Congregatione gestorum prospicere, & aliàs in præmissis opportunè providere, supplicationibus eiusdem Præpositi Generalis nomine nobis super hoc humiliter por-

G st rectis

rectis inclinati, omnes, & singulas professiones de nouo, vt præfertur, emissas, & deinceps infra sex Mensium spatium emittendas à personis quibuscunque in dicta Congregatione iam dudum professis, de quorum professionis validitate præmissorum causa dubitari poterat, auctoritate Apostolica, tenore præsentium confirmamus, & approbamus, ac omnes Iuris, & facti, ac solemnitarum, etiam substantialium defectus, si qui in illis forsitan intertulerint, supplemus, ac eisdem sic professis, & deinceps professuris, vt præfertur, vt quæuis officia, dignitates, & munera eiusdem Congregationis, si quæ obinent, retinere, ac eis deferenda recipere, & exercere, ac omnibus, & singulis gratijs, honoribus, priuilegijs, prærogatiuis, & alijs spiritualibus, & temporalibus Indultis eidem Congregationi, eiusque Religiosis concessis, & in futurum concedendis vt, frui, & gaudere in omnibus, & per omnia possint, & valeant, perinde ac si eorum professiones primò emissæ veræ, validæ, ac legitimæ fuissent, eadem auctoritate concedimus, & indulgemus, & nihilominus omnia, & singula per dictos sic professos, & professionem emissuros ante nouam huiusmodi professionem in eadem Congregatione gesta, ac professiones aliorum per eos receptas validamus, & roboramus, validaque, & firma, ac validas, & firmas esse, & censeari, nec à quoquam de eorum validitate dubitari, aut quoquomodo opponi posse; sicque per quoscunque Iudices ordinarios, & delegatos, & etiam Causarum Palatii Apostolici Auditores, sublata eis, & eorum cuiuslibet quauis aliter iudicandi, & interpretandi facultate, & auctoritate iudicari, & definiti debere, ac irritum, & inane quicquid secus super his à quoquam quauis auctoritate scienter, vel ignoranter contigerit attentari. Non obstantibus præmissis, ac

Consti-

Constitutionibus, & Ordinationibus Apostolicis, eiusdemque Congregationis, etiam iuramento, confirmatione Apostolica, vel quauis firmitate alia roboratis, Statutis, & Consuetudinibus, cæterisque contrarijs quibuscunque: Volumus autem, vt præsentium Transumptis, etiam impressis, manu alicuius Notarij publici subscriptis, & Sigillo personæ in dignitate Ecclesiastica constitutæ, munitis eadem, quæ præsentibus ipsis, fides adhibeatur.

Datum Romæ apud Sanctum Petrum sub Annulo Piscatoris Die 23. Nouembris M. D. LXXXVIII. Pontificatus nostri Anno tertio.

Locus Annuli Piscatoris.

M. Vestrius Barbianus.

CLEMENTIS

54  
**CLEMENTIS VIII.**

**B V L L A.**

**S V M M A R I V M.**

- 1. Spatium emittendi de nouo professionem ad illius validitatem firmandam concessum per sex menses prorogatur ad alios sex menses.
- 2. Valide professiones confirmantur, & approbantur, professus privilegia beneficia concessa conceduntur.

Dilecto Filio Præposito Generali Congregationis Clericorum Regularium Somaſchæ, alias Sancti Maioli Papiensis.

**C**LEMENS PAPA VIII. Dilecte fili salutem, & Apostolicam benedictionem. Cum sicut exponi nobis fecisti post emissam de nouo nonnullis Clericis istius Congregationis, de quorum antea emissæ professionis validitate dubitabatur, regularem professionem iuxta nostrarum in simili forma Breuis litterarum sub dat. 13. Nouembris 1594. expeditarum, per quas tam eouque emissas, quàm deinceps infra sex Menses tunc proximos emittendas huiusmodi professiones validas declarauimus seriem, nonnulli alij eiusdem Congregationis Clerici de eorum antea emissæ professionis validitate ob defectus in dictis litteris expressos dubitare cœperint, illis verò ob lapsum sex Mensium prædictorum huiusmodi professionem de nouo emittendi absque noua nostra, & Apostolicæ Sedis licentia, & gratia neuiquam licere credatur: Nos eorum statui, & conscientiarum serenitati consulere volentes, ac litterarum nostrarum

nostrarum prædictarum tenorem præsentibus pro expresso habentes, illatque ad alios sex Menses proximos extendentes supplicationibus tuo nomine nobis super hoc humiliter porrectis inclinari, omnibus, & singulis eiusdem Congregationis Clericis, de quorum professionis validitate quoquomodo dubitatur, infra dictos sex Menses à data præsentium computandos professionem de nouo in tuis, aut Vicarij tui manibus iuxta prædictarum litterarum seriem emittere valeant, autoritate Apostolica tenore præsentium concedimus, & indulgemus, ac huiusmodi per eos de nouo emittendas professiones, si, & postquam emissæ fuerint, nec non etiam omnia, & quæcunque per eos ante nouam huiusmodi professionem in dicta Congregatione gesta, ac Professiones aliorum, alias tamen ritè emissas per eos forsan receptas autoritate, & tenore præsentis perpetuò confirmamus, approbamus, validamus, & roboramus, suppletes omnes, & singulos etiam substantiales defectus, si qui forsan interuenerint in eisdem. Decernentesque illas, & illa valida, firma, & efficacia perpetuò fore, & esse, nec à quoquam de cætero de eorum validitate dubitare, aut quoquomodo opponi posse, sicque per quoscunque Iudices ordinarios, & delegatos etiam causarum Palatij Apostolici Auditores sublata eis, & eorum cuilibet quauis aliter iudicandi, & interpretandi facultate, & autoritate iudicari, & definiri debere, ac irritum, & inane quicquid secus super his à quoquam quauis autoritate scienter, vel ignoranter contigerit attentari. Ac eisdem Clericis sic professionis, vt præfertur, vt quæuis officia, dignitates, & muneribus eiusdem Congregationis, si quæ obtinent, retinere, ac eis differenda recipere, & exercere, ac omnibus, & singulis gratijs, honoribus, priuilegijs, prærogatiuis, & alijs

56  
alijs spiritualibus, & temporalibus indultis eidem Congregationi, eiusque Religiosis concessis, & in futurum concedendis uti, frui, & gaudere in omnibus, & per omnia possint, & valeant, perinde ac si eorum professiones primo emissa veræ, & validæ, ac legitimæ fuissent, de speciali gratia indulgemus. Non obstantibus præmissis, ac Constitutionibus, & Ordinationibus Apostolicis, nec non omnibus illis, quæ in nostris litteris prædictis volumus non obtare, cæterisque contrarijs quibuscunque.

Datum Romæ apud Sanctum Marcum sub Annulo Piscatoris die 14. Septembris M D X C V. Pontificatus nostri Anno quarto.

Locus ꝛ Annuli Piscatoris.

M. Vestrius Barbianus.

CLEMEN-

57  
**CLEMENTIS VIII**  
**B V L L A**

S V M M A R I V M.

1599  
*Declaratur servandam esse constitutionem Congregationis neminem suffragium habere posse, vel in numero vocalium adscribendum Capituli Generalis, nisi qui fuerit à Capitulo electus, & admissus, reclamantibus silentium imponitur.*



LEMENS Papa VIII. Ad perpetuam rei memoriam. Romanus Pontifex ex debito pastoralis Officij sibi ex alto commissi, ne personarum sub suavi Religionis iugo Deo famulantium status perturbetur, sed quò magis fieri potest, quietus, & tranquillus in Dei obsequio perseveret, libenter providet, prout in Domino salubriter conspicit expedire. Sanc cum Congregatio Clericorum Regularium de Soma-scha nuncupat. seu Sancti Maioli Papiens. à fel. recordario. Pio Quinto prædecessore nostro de seculari Regularis effecta, & per ipsum, ac alios suos prædecessores fuerit nonnullis priuilegijs, & gratijs spiritualibus roborata, ac per nos denique confirmata, & nouis priuilegijs, & indultis ampliata, pibut in nostris desuper confectis litteris sub dat. sexto Kalend. Maij Pontificatus nostri Anno secundo, plenius continetur. In quibus quidem litteris inter cætera omnia, & singula Statuta, Ordinationes, Regulas, & Constitutiones in vniuersa Cõgregatione prædicta eousque editas, licitas tamen, & honestas, iacrisque Canonibus, & Concil. Trid. minimè

H cont. 2-

contrarias auctoritate Apostolica perpetuò approbavimus, & confirmavimus, illisque omnibus, & singulis Apostolicæ firmitatis robur adiecimus, suppletes omnes, & singulos defectus, prout in dictis litteris plenius continetur. Cumque sicut nuper accepimus, inter alias Constitutiones prædictæ Congregationis sit quædam Constitutio de ijs, qui numero Vocalium Capituli Generalis sunt adscribendi, disponens, ut non passim, & sine matura consideratione cuiusque conditionis Fratres inter vocales Capituli Generalis admittantur, à quo omnis utilitas totius Religionis dependet, totumque illius sustinet onus, sed ij solum, qui vita, & moribus cæteros antecellant, quique prudentia, & consilio, & scientia valeant in rebus arduis consulere, qui item per aliquot annos fuerint in Religione probati, elapsamque fuerit ad minus triennium post emissam professionem, quique ætatis suæ saltem trigessimum annum attigerit, & ne vocalis unquam sit, vel qui apostatauerit, vel qui in aliquo delicto fuerit deprehensus, vel de quo probabiliter dubitatur ea, quæ in Comitibus tractantur secretò minimè retenturum ex evidentibus inditijs, & alijs, prout in dicta Constitutione dicitur contineri: Et quia prædictæ qualitates in eo, qui adscribendus est in numero Vocalium, à nullis alijs possunt ita rectè inquiri, & perpendi, quàm ab eisdem Patribus Vocalibus, qui eum admissuri sunt, propterea eadem Congregatio consuevit non admittere aliquem in numero dicti Capituli Generalis, nisi in eodemmet Capitulo propositus, & per vota secreta ipsorummet Patrum Vocalium suffraganti sibi maiori parte Votorum electus fuerit, unde Clerici eiusdem Congregationis, tum ad vitæ, & morum integritatem, tum etiam ad bonarum artium, et regularis disciplinæ studium, et observantiam excitantur.

tur. Verum sicut nobis pro parte dictæ Congregationis expositum fuit à Ven. Fratre nostro Ludouico Episcopo Sabinens. Cardinali Madrutio nuncupat. prædictæ Congregationis Profectore, cum nonnulli de eadem Congregatione ex eo solum, quòd sunt professi per aliquot annos, et in Presbyteratus Ordine constituti, prætendant se in eodem Capitulo Generali habere vocem actiuam, et passiuam, et admittendos esse in electionibus Præpositi Generalis, et aliorum quorumcunque Superiorum, contra id, quòd in dicta Congregatione fieri consuevit iuxta prædictas suas constitutiones à nobis, ut supra approbatas, et confirmatas: Et propterea cum non admittantur, se ipsos, et alios perturbent, et perturbare audeant: Hinc est quòd nos, qui singulorum Christi fidelium præcipuè verò similium Religiosorum agri Domini cultorum quietem sinceris desideramus affectibus, ex sententia dilectorum filiorum Prælatorum negotijs Visitationis Apostolicæ, et Reformationis præfectorum auctoritate Apostolica tenore præsentium decernimus, et declaramus nullum de cætero adscribendum fore, et esse in numero Vocalium Capituli Generalis præfatæ Congregationis, nec in eo vocem actiuam habere, nisi seruata in omnibus forma dictarum Constitutionum, & nisi etiam iuxta supradictam consuetudinem à triginta circiter annis hætenus seruari solitam, & obseruatâ, fuerit in eodem Capitulo propositus, & per vota secreta à Patribus Vocalibus eiusdem Capituli generalis electus, & admissus. Omnibusque alijs se vocem actiuam in dicto Capitulo habere prætendentibus, & ab eisdem Patribus Vocalibus Capituli Generalis non electis, & admissis perpetuum silentium imponimus, & imponi mandamus, nec desuper ab aliquo excipi, & opponi posse, sicque per quoscunque Iudices, & Com-

missarios quavis auctoritate fungentes iudicari, & definiti debere, ac irritum, & inane quicquid secus a quolibet quavis auctoritate scienter, vel ignoranter cõtigerit attritari decernimus, ac declaramus. Non obstantibus præmissis, ac quibusvis Constitutionibus, Ordinationibus Apostolicis, nec non Statutis, & Consuetudinibus aliarum Regularium Congregationum, cæterisque contrariis quibuscunque. Volumus etiam quod præsentium Transumptis manu alicuius Notarij publici subscriptis, & Sigillo alicuius personæ in dignitate Ecclesiastica constitutæ munitis eadem fides adhibeatur, quæ præsentibus originalibus litteris adhiberetur, si forent exhibitæ, vel ostensæ.

Datum Romæ apud Sanctum Petrum sub Annulo Piscatoris die 23. Martij 1599. Pontificatus nostri anno octavo.

Locus † Annuli Piscatoris.

M. Vestrius Barbianus.



PAVLI

# PAVLI QVINTI

## BVLLA

S V M M A R I V M.

- 1 Confirmantur omnia, quæ hætenus Superiores Pontifices Congregationi concesserunt.
- 2 Conceditur, ut quocunque anni tempore de consensu Capituli collegialis recipiantur Novitij in domibus, vel Collegijs à Capitulo Generali destinatis, vique in Congregationis Ecclesiis omnium Christi fidelium eademera sive præiudicio Parochorum sepulturae mandentur, & sua cura commissis Sacramentum extreme unctionis ministrare.
- 3 Ut conservatorem deligere sibi possit Congregatio venia datur, & eiusdem munitis præscribitur.
- 4 Ab omnibus derogationibus, limitationibus ex Bulla vindicatur.



PAVLVS EPISCOPVS Seruus seruorum Dei. Ad perpetuam rei memoriam. Cùm ad utilitates, & commoda, quæ Reip. Christianæ ex Religiosorum Congregationibus ad animarum salutem, & proximi subuentionem rectè, ac ritè institutis Dei benignitate provenire noscuntur, aciem nostræ mentis extendimus, non immeritò inducimur ea, quæ à diuersis Romanis Pontificibus prædecessoribus nostris eisdem Congregationibus concessa, ordinata, & approbata fuisse comperimus, vt Religiosi ipsi eò feruentius, ac promptius ad illorum obseruationem excitentur, quò fuerint sapius Apostolico munimine roborata, confirmanda, & approbanda, ac de nouo concedenda fore censemus, ac, vt Congregationes ipsæ earumque Religiosi, res, & bona à quibuscunque molestijs, & iniurijs præseruentur, opportunum libenter adhibemus remedium, ac alias desuper disponi-



disponimus, prout ipsorum Religiosorum vota exposcunt, & nos conspicimus in Domino expedire. Sanè pro parte dilectorum filiorum modernorum Præpositi Generalis, & Presbyterorum Congregationis Clericorum Regularium de Somaſcha, aliàs Sancti Maioli nuncupatæ Papiens. nobis nuper exhibita petito continebat, quòd ab anno Domini millesimo quingentesimo vigesimo octauo ad omnipotentis Dei gloriam, populorum ædificationem, animarum salutem, & pauperum subuentionem dicta Congregatio à Q. Hieronymo Miani, dum vixit, nobili Veneto fundata, & instituta, & postea à fel. record. Paulo III. cum facultate elegendi Superiorem, & condendi constitutiones, ac loca pro educatione Orphanorum, & aliorum piorum operum exercitio vbicunque accipiendi: Nec non à piæ me. Pio III. quietiam nonnullas Indulgentias, & gratias speciales eis concessit, approbata; Et demum à recol. mem. Pio Quinto Romanis Pontificibus prædecessorib. nostris in Religionem Clericorum Regularium huiusmodi cum facultate emittendi tria vota redacta, atque erecta, & exinde eadem Religio, cui vnus Præpositus Generalis eius Gubernator, & Rector præest, & cuius Ministri pro tempore probati, ac magis idonei reperti, simulque vita, moribus, & charitatis feruore cõmendati ipsorum Orphanorum, nec non etiam aliquorum Seminariorum, quorum ipsa Congregatio curam suscepit, ac Scholarum, & Academiarum in ea tam ad Orphanorum, quàm aliorum puerorum institutionem erecta, alijsque pijs operibus, & exercitijs occupata diuersimodè, & in quam plurimis Italiae ciuitatibus, ac locis ad maiorem Dei omnipotentis gloriam, ac fidei catholicæ propagationem, proximique subuentionem aucta fuit, & in dies augetur, & ex qua vberes fructus in Vinea Domini prouenire noscuntur, ac intuitu, & in fauorem tam

pio-

piorum operum similis me. Gregorius Papa XIII. similiter prædecess. noster eidem Congregationi inter cætera illius Præpositum Generalem, aliosque Superiores, & personas professas, & non professas: Nec non dictæ Congregationis familiares, & ministros cū omnibus Ecclesijs, Oratorijs, cœmeterijs, capellis, Domibus, & Conuentibus, mobilibus, & immobilibus, alijsque bonis, & iuribus, iurisdictionibus, ac rebus tunc præsentibus, & futuris, tam sacris, & religiosis, quàm profanis ad dictam Congregationem spectantibus, vel quæ in futurum spectarent, ab omni iurisdictione, dominio, potestate, superioritate, subiectione, visitatione, correctione quorumcunque locorum Ordinariorum quacunque dignitate, præeminentia, & auctoritate fungentium, & aliorum Iudicum Ecclesiasticorum, & Sacularium in perpetuum exemit, & liberavit, ac sub sua, & Sedis Apostolicæ, ac Beati Petri protectione immediatè recepit; Nec non Præposito Generali, & alijs prædictis, quòd iidem Ordinarij, vel Vicarij, & Officiales eorum, aut alij quicunque Iudices, etiam ratione criminis, delicti, contractus, vel rei, de qua agitur, vbicunque committatur delictum, in eatur contractus, & res ipsa consistat, nullam in Præpositum, res, & bona Congregationis huiusmodi iurisdictionem exercere possint, ipsi verò Presbyteri dictæ Congregationis Regulares Missas celebrare, & cõfessiones alienæ parochialis Ecclesiæ subditorū audire, ac Sacramentū Eucharistiæ omnibus anni tēporibus, Paschatis duntaxat exceptis, ministrare valerent: Ac quòd Ecclesiæ dictæ Congregationis non essent subditæ alteri Ecclesiæ, tanquàm Matrìci, vel cathedrali, seu titulari, ipsique presbyteri, & clerici regulares maioribus huiusmodi Ecclesijs, vel locorū Ordinarijs, etiam S. R. E. Cardinalibus assistere, vel seruitiū aliquod præstare, seu ad funera defunctorū,

nisi

nisi eorū, quorū Cadauēra in Ecclesijs ipsius Cōgregationis sepelirentur, accedere minimè tenerentur, concessit, & indulgit; Voluitque quòd illi, qui in dicta Congregatione professionem pro tempore emisissent, ad aliquem alium Ordinem, & Congregationem, etiam si arctior inibi vigeret regularis obseruantia, exceptis solum Ordinibus Fratrum Capuccinorum, & Carthusianorum, nisi obtenta prius à Superiore dictæ Congregationis licentia transire nullatenus possent sub pœna apostasiæ, & excommunicationis latæ sententiæ, quam, tam in ipsos transeuntes, quàm eorum receptores, etiam cuiuscunque Priuilegij Apostolici prætextu, cui ad hunc effectum specialitèr derogauit, à qua non nisi à Romano Pontifice, præterquam in articulo mortis absolui valerent, promulgauit: Et postmodum eiusdem mem. Clemens Papa VIII. pariter prædecessor noster omnia, & singula prædicta, & quæcunque alia priuilegia, exemptiones, immunitates, concessionem, facultates, prærogativas, indulta, fauores, & gratias prædictæ Congregationi, singulisque illius Domibus, Conuentibus, Collegijs, Ecclesijs, Capellis, Oratorijs, Hospitalibus, & locis, nec non Præposito Generali, alijsque Superioribus, & personis tam professis, quàm non professis, ac familiaribus, domesticis, eisque aliàs quomodolibet inseruiantibus, tam per dictos Prædecessores suos, ac se, & dictam Sedem, eiusque autoritate quomodolibet concessa, ac desuper confectas litteras, omniaque in eis contenta, nec non omnia, & singula Statuta, Ordinationes, Regulas, & Constitutiones in vniuersa Congregatione prædicta, illucisque edita, licita tamen, & honesta, sacrisque canonibus, ac Conc. Trid. minimè contraria perpetuò approbauit, & confirmauit, ac eidem Congregationi, eiusque Præposito Generali, quòd ipse Præpositus cum voto eius Consultatorum à Capitulo Generali ipsius

suis Congregationis deputatorum, cum quibusuis eiusdē Congregationis professis defectum natalium patientibus, etiam ad omnes, etiam sacros, & presbyteratus Ordines suscipiendos, ac in eisdem etiam in Altaris ministerio ministrandum, nec non ad quamcunque ipsius Congregationis administrationem, officium, & dignitatem recipiendum, retinendum, & exercendum dispensare: Idemque Præpositus Generalis, ac Visitatores eiusdem Congregationis toties, quoties opus esse iudicarent, Orphanotrophia, & loca tam Puerorum, quàm Puellarum sub cura, regimine, administratione, & disciplina dictæ Congregationis existentia, absque eo quòd desuper à Gubernatoribus, siue Oeconomis, & Administratoribus rerum temporalium ipsorum impedirentur sub pœna excommunicationis maioris latæ sententiæ statim per impedientes ipso facto incurrenda, si post monitionem ab Episcopo faciendam ab huiusmodi impedimentis non desisterent, à qua non nisi à Sede prædicta, præterquam in mortis articulo, absolui possint, sine præiudicio iurium Episcopi, visitare, & quæ reformanda forent circa disciplinam eorundem Puerorum, & Puellarum, ac regimen spirituale, reformare liberè, & licitè valerent, etiam concessit; ac eandem Congregationem, singulaque illius Collegia, & loca, eorum Superiores, & alios ab omni onere audiendi confessiones ordinarias quarumcunque Monialium, præterquam Orphanarum iuxta antiquum ipsius Congregationis institutum, nec nō ab omnibus alijs oneribus, & curis quæ seruituti, ac cōmoditati Orphanorū, Seminariorū, & disciplinæ regularis huiusmodi impedimento, & damno esse quoquomodo possent, omnino, & in perpetuum absoluit, & penitus liberauit, ita vt ex tunc nullus, etiam si esset Præpositus Generalis, aliqua huiusmodi onera,

vel curas nisi de consensu duarum ex tribus partibus Capituli Generalis huiusmodi suscipere auderet, neque possent. Nec non omnes Professiones emissas tunc usque à quibusvis Clericis, & Laicis dictæ Congregationis, etiam si non in manibus Præpositi Generalis, aut eius Vicarij, sed aliorum presbyterorum inibi professorum factæ essent, neque constaret illos eo tempore auctoritatem tales professiones recipiendi habuisse, validas, firmasque, & ratas esse, & fore, perinde ac si à Præposito Generali, vel eius Vicario Prædicto receptæ essent, dummodò aliàs canonicè factæ fuissent, & tales professi professioni huiusmodi tunc acquiescerent, licet neque imposterum Præposito Generali prædicto huiusmodi facultatem admittendi ad professionem cuiuslibet Præposito, & Rectori inferiori eiusdem Congregationis demandare, servata in reliquis forma constitutionis parisiensis Sixti Papæ Quinti, etiam prædecessoris nostri de super editæ, decrevit. Cumque nonnulli dictæ Congregationis post huiusmodi decretum, licet antea nunquam reclamassent, occasionem reclamandi sumpsissent, eò quòd non in manibus Præpositi Generalis, vel Vicarij huiusmodi professi erant, intelligentes verba dicti Pij Quinti prædecess. de Vicario Generali, & non de quolibet delegato à Præposito, vel Vicario generali huiusmodi, declaravit dispositionem constitutionis dicti Pij Quinti prædecess. dum voluit professiones emittendas esse, & fore in manibus Præpositi Generalis, vel eius Vicarij, intelligendum esse, nedum de Præposito, & Vicario Generali, sed etiam de quolibet ab eisdem delegato; Et per consequens omnes, & singulas professiones in manibus quorumcunque Presbyterorum dictæ Congregationis ipsius præpositi, vel Vicarij Generalis delegatorum, ac eorum nomine à prædictis presbyteris acceptas, licet per se ipsos tantum, & proprio nomine illas recipiendi

piendi auctoritatem non habuissent, validas, & efficaces fuisse, & esse. Et deinde ex interpretatione litterarum eiusdem Pij Quinti prædecess. quibus eidem Congregationi, ut qui in ea manere, aut ex tunc ingredi vellent, tria vota, ac professionem regularem huiusmodi emittere valerent, quòdque si qui antea per decennium in eadem Congregatione laudabiliter vixerant, in eadem professione huiusmodi absque probationis anno incontinenti emittere valerent, facultatemque ad triennium duraturam concessisset, ipsoque triennio elapso professionem huiusmodi emissuros probationis annum antea complere voluisset. Orto alio dubio, nùm aliquorum, qui in dicta Congregatione, non ut Ministri, sed ut Scholares, vel partim Ministri, & partim Scholares à pueritia in eadem per decennium continuum laudabiliter permanferant, & aliorum qui non per decennium continuum, sed interpollatum, ac quandoque intermissum in eadem Congregatione vixerant, professiones sic incontinenti absque anno probationis emissæ, & factæ, veræ, validæ, & legitimæ essent, præsertim quia nonnulli ipsorum Præpositi, & Vicarij Generales extiterant, ac aliorum professiones receperant, ac multa alia in ipsa Congregatione egerant, ad omne huiusmodi dubium tollendum, concessit, ut sic in ea professi denuo in manibus Præpositi Generalis, aut alicuius personæ in dignitate Ecclesiastica constitutæ profiteri valerent, & ut sic professi essent, eorum locis, & officijs, ac dignitatibus fruerentur, ac si ab initio legitimè professi essent, ac omnia eorum acta valida, & firma essent. Et quia nonnulli, qui de eorum professionis validitate dubitabant, coram toto Capitulo Generali in Civitate Cremonæ celebrato in manibus eiusdem Præpositi Generalis, ut vnus hic Romæ in manibus tunc existentis Vicegerentis Vicarij vrbis ad maiorem eorum conscientiarum

tiarum securitatem huiusmodi professionem denuò emis-  
 rant, & alij fortassis similimodo professionem denuò emis-  
 surierant, omnes, & singulas professiones de nouo, vt præ-  
 fertur, emissas, & deinceps infra sex Mensium spatium  
 emittendas à personis quibuscunque in dicta Congrega-  
 tione iamdudum professis, de quorum professionis vali-  
 ditate præmissorum causa dubitari poterat, confirma-  
 uit, & approbavit, ac eisdem sic professis, & deinceps  
 professuris, vt præfertur, & quauis officia, dignitates, &  
 munera eiusdem Congregationis, si quæ obtinebant, re-  
 tinere, ac eis deferenda recipere, & exercere, ac omnibus,  
 & singulis gratijs, honoribus, priuilegijs, prærogatiuis,  
 et alijs spiritualibus, & temporalibus indulgentijs eidem  
 Congregationi, eiusque Religiosis concessis, & in futurum  
 concedendis vti, frui, & gaudere valerent, perinde ac si  
 professiones primò emissæ veræ, validæ, ac legitimæ fuis-  
 sent, & successiuè elapsis dictis sex Mensibus alios sex Men-  
 ses, vt illi de quorum professionis validitate quoquomodo  
 dubitabatur, infra vltimos dictos sex Menses professio-  
 nem eandem, vt supra, de nouo emittere vellent, respec-  
 tiuè concessit. Et postremò cum nonnulli de eadem  
 Congregatione, eò quòd solùm essent professi per aliquot  
 annos, & in presbyteratus ordine constituti, prætenderent  
 se in Capitulo Generali habere vocem actiuam, & passi-  
 uam, & admittendos esse in electionibus Præpositi Gene-  
 ralis, & aliorum quosumcunque Superiorum contra for-  
 mam eiusdem Constitutionis dictæ Congregationis, qua  
 disponitur, vt non passim, & sine matura consideratione,  
 cuiuscunque conditionis Fratres inter vocales Capituli Gene-  
 ralis admittantur, à quo omnis utilitas totius Religionis  
 dependet, totumque illius sustinet onus, sed ij solùm,  
 qui vita, & moribus ceteros antecellant, quique prudentia,

ria, consilio, & scientia in rebus arduis consulere, qui  
 item aliquot per annos fuerint in Religione probati, elap-  
 sumque fuerit ad minus triennium post emissam profes-  
 sionem, quique ætatis suæ saltem trigessimum annum atti-  
 gerit, & ne Vocalis vnquam sit, vel qui apostatauerit, vel  
 in aliquo delicto depræhensus fuerit, vel de quo probabi-  
 liter dubitabatur, ea quæ in Comitijs tractantur, secre-  
 tò minimè retenturus ex euidentibus indicijs, & alijs  
 prout in dicta Constitutione dicitur contineri: Et quia  
 dictæ qualitates in eo, qui ad scribendum est in numero  
 Vocalium, à nullis alijs possunt ita rectè inquiri, &  
 perpendi, quàm ab eisdem Religiosis Vocalibus, qui  
 cum admissuri sunt, propterea eadem Congregatio con-  
 sueuerat non admittere aliquem in numero dicti Capi-  
 tuli Generalis nisi in eodemmet Capitulo propositus,  
 & per vota secreta ipsorummet Religiosorum Vocalium  
 suffragante sibi maiori parte Votorum electus fuis-  
 set, & inde Clerici eiusdem Congregationis tum ad vi-  
 tæ, & morum integritatem, tum etiam ad bonarum  
 artium, & regularis disciplinæ studium, & obseruan-  
 tiam excitabantur, nullum amplius ad scribendum  
 fore, & esse in numero Vocalium Capituli Generalis  
 dictæ Congregationis, nec in eo vocem actiuam ha-  
 bere, nisi seruata in omnibus forma dictæ, & aliarum  
 eiusdem Congregationis Constitutionum, & nisi etiam  
 iuxta supradictam consuetudinem fuerit in eodem Ca-  
 pitulo propositus, & per vota secreta à Religiosis Vo-  
 calibus Capituli Generalis eiusdem Congregationis ele-  
 ctus, & admissus, decreuit, & declarauit, omnibusque  
 alijs se vocem actiuam in Capitulo prædicto habere  
 prætendentibus, & ab eisdem Religiosis Vocalibus  
 Capituli

70  
Capituli Generalis huiusmodi electis, & admissis perpetuum silentium imposuit, & imponi mandauit, & alias prout in Pauli Tertij, Pij Quarti, & Pij Quinti, ac pro eo quod litteræ super exemptione, & alijs prædictis antequam conficerentur, dictus Gregorius prædecessor, sicut Domino placuit, rebus fuerat humanis exemptus, in Sixti, ac singulis Clementis prædecessor, prædictorum litteris desuper confectis plenius continetur. Cum autem sicut eadem petitio subiungebat, dicti moderni Præpositus, & Presbyteri dictæ Congregationis pro præmissorum firmitati subsistentia cupiant præmissa omnia per nos, & dictam Sedem confirmari, & approbari, pro eorundem modernorum Præpositi, & Presbyterorum parte nobis fuit humiliter supplicatum, quatenus ipsorum pio desiderio huiusmodi annuete, aliasque in præmissis opportunè providere de benignitate Apostolica dignaremur. Nos qui Religiosorum vota ad exauditionis gratiam libenter admittimus, Modernos dictæ Congregationis Præpositum, & presbyteros, ac eorum quemlibet à quibusuis excommunicationis, suspensionis, & interdicti, aliisque Ecclesiasticis sententijs, censuris, & pœnis à iure, vel ab homine quavis occasione, vel causa latis, si quibus quomodolibet innodati existunt, ad effectum præsentium duntaxat consequendum, harum serie absolventes, & absolutos fore censentes, ac singularum litterarum prædictarum tenores etiam veriores præsentibus pro expressis habentes huiusmodi supplicationibus inclinati omnia, & singula prædicta, nec non quæcunque alia priuilegia, exemptiones, immunitates, concessionem, facultates, prærogatiuas, indulgentias, & gratias prædictæ Congregationi, singulisque illius Domibus, Conuentibus, Collegijs, Ecclesijs, Capellis, Oratorijs, Hospitalibus, & Locis, nec non Præposito Generali,

71  
nerali, alijsque Superioribus, & personis tam profectis, quam non profectis, ac familiaribus, & domesticis huiusmodi, eisque alijs quomodolibet inferuentibus, tam per dictos, quam alios quoscunque Roman. Pontifices, etiam prædecess. nostros, ac Nos, & Sedem eandem quomodolibet concessa, ac singulas desuper confectas litteras, & omnia in eis contenta, Nec non omnia, & singula Statuta, Ordinationes, Regulas, & constitutiones in vniuersa Congregatione prædicta hucusque edita, licita tamen, & honesta, sacrisque Canonibus, & Concilij Tridentini decretis minimè contraria, nec reuocata, nec sub ullis reuocationibus comprehensa, citra tamen facultatem dispensandi super irregularitatibus, ex delictis tam publicis, quam occultis prouenientibus, & dummodo Confessarius Regularis, qui pro tempore confessiones pœnitentium alienæ Parochiæ huiusmodi audiat, ab Ordinario loci ad eas audiendas prius fuerit approbatus, nullumque propter Cadauerum eorum, quæ in Ecclesijs, vel Cœmeterijs, aut alijs locis dictæ Congregationis sepulturam elegerint, iuribus quorumcunque parochorum præiudicium inferatur, Apostolica autoritate, tenore præsentium perpetuò approbamus, & confirmamus, illisque omnibus singulis perpetuæ, & inuiolabilis Apostolicæ firmitatis robur adijcimus: Nec non omnes, & singulos tam iuris, quam facti, ac solemnitatum forsitan omissarum, & quoscunque alios etiam quantumuis substantiales defectus, si qui desuper quomodolibet interuenerint, supplemus. Ac insuper, vt Nouitij habitum dictæ Congregationis pro tempore suscipere volentes in omnibus, & singulis dictæ Congregationis Domibus, Collegijs, & locis ad hoc per illius Capitulum generale pro tempore celebrandum destinandis de consensu tamen Capituli Collegialium.

legialis, quocunque anni tempore recipi, & admitti. Præterea, ut in quibuscunque eiusdem Congregationis Ecclesijs, Capellis, Oratorijs, Hospitalibus, Cœmeterijs, & Locis omnes, & quicunque Christi fideles tam Ecclesiastici, quam Seculares, qui in eorum testamentis, vel oretenus, seu aliàs quomodolibet sepulturas in eis sibi elegerint, sine tamen præiudicio iurium quorumcunque Parochorum, sepeliri, & recondi. Ac ut singuli Presbyteri professi dictæ Congregationis omnibus, & quibuscunque personis degentibus, & commorantibus in Orphanotrophijs, Seminarijs, Academijs, & Conuictorium Collegijs, sub cura, regimine, et administratione dictæ Congregationis existentibus extremæ Vnctionis, nec non etiam tempore Paschatis Resurrectionis Dominicæ Festiuitatis Sanctissimæ Eucharistiæ Sacramenta, absque aliquo censurarum, vel pœnarum incursum ministrare. Potremò eidem Congregationi, illiusque Præposito Generali, ut vnum Conseruatorem, qui iuxta Decreta Concilij Tridentini per se, vel alium, seu alios, etiam si sit extra loca, in quibus deputatus fuerit Conseruator, etiam Iudex dictæ Congregationi, illiusque Præposito, et Presbyteris prædictis efficacis defensionis præsidio assistens, non permittat eosdem, Præpositum, et Presbyteros super quibuslibet bonis, et iuribus ad dictam Congregationem legitimè spectantibus à quibusuis indebitè molestari, vel grauamina, damna, siue iniurias irrogari, facturus Præposito, et Presbyteris prædictis cum ab eis, vel Procuratoribus suis, aut eorum aliquo fuerit requisitus, de personis quibuslibet super restitutione Castrorum, Villarum, Terrarum, ac aliorum locorum, iurisdictionum, iurium, et bonorum mobilium, et immobilium reddituum quoque, et prouentuum, ac aliorum quorum-

cunque

cunque bonorum ad dictam Congregationem legitimè spectantium, nec non de quibuslibet iniurijs, Molestijs, atque damnis præsentibus, & futuris in illis videlicet, quæ iudicalem requirunt indaginem, summarie, simpliciter, & de plano sine strepitu, & figura iudicij, in alijs verò prout qualitas negotiorum exegerit, iustitiæ complementum, occupatores, seu detentores, præsumptores, molestatores, & iniuriatores huiusmodi, nec non contradictores quoslibet, & rebelles cuiuscunque dignitatis, status, gradus, ordinis, & conditionis extiterint, quodocunque, & quotiescunque expedierit, autoritate nostra per censuras Ecclesiasticas, appellatione postposita, compescendo, inuocato etiam ad hoc, si opus fuerit, auxilio brachij secularis, eligere liberè, & licitè possint, & valeant, eisdem autoritate, & tenore, etiam perpetuò concedimus, & indulgemus, ac licentiam, & facultatem desuper impartimur. Decernentes præsentis litteras sub quibusuis similibus, vel dissimilibus gratiarum reuocationibus, limitationibus, suspensionibus, derogationibus, aut alijs contrarijs dispositionibus pro tempore emanatis, & emanandis minimè compræhendi, sed semper, & omni tempore, ac omninò ab illis excipi, & quoties illæ emanabunt, toties in pristinum, & validissimum statum suum restitutas, repositas, & plenariè redintegratas, ac de nouo etiam sub quacunque posteriori data per Generalem, & alios Præpositos prædictos pro tempore eligendos concessas, illasque perpetuò validas, et efficaces esse, et ceteri, plenamque roboris firmitatem obtinere, neque Congregationem, ac Præpositum Generalem, et alios Superiores, ac personas illius super

K

eisdem

cisdem præmissis, illorumque possessione, usu, & com-  
modo pacificis per locorum Ordinarios, aut quoscun-  
que alios quomodolibet molestari, perturbari, seu in-  
quietari, vel impediri posse, sicque, & non aliter per  
quoscunque Iudices, & Commissarios quavis authorita-  
te fungentes, etiam causarum Palatii, Apostolici Audito-  
res, ac Sanctæ Romanæ Ecclesiæ Cardinales, etiam de  
Latere Legatos, Vicelegatos, & alios quoscunque, iudi-  
cari, ac definiiri debere; Irritum quoque, & inane, si  
secus super his à quoquam, quavis authoritate scienter,  
vel ignoranter contigerit attentari. Non obstante simi-  
lis memor. Bonifacii Papæ VIII. etiam prædecessor.  
nostri, qua cauetur ne quis extra Ciuitatem, & Diocē-  
sim suam, nisi in certis expressis casibus, & in illis non  
nisi ultra vnam dietam à fine suæ Diocēsis ad iudicium  
euocetur, seu ne Iudices, & Conseruatores à Sede prædi-  
cta deputati extra Ciuitatem, & Diocēsim, in quib.  
deputati fuerint, contra quoscunque procedere, vel alij,  
seu alij vices suas committere, aut aliquos ultra vnam  
Dietam à fine Ciuitatis, & Diocēsis earundem trahere  
præsumant, dummodò ultra tres Dietas aliquis authori-  
tate præsentium ad iudicium non trahatur, seu quòd de  
alijs quàm manifestis iniurijs, molestijs, violentijs, &  
alijs, quæ iudicalem requirunt indaginem, pœnis in  
eos, si secus egerint, & in illis procurantes dicti Con-  
seruatores nullatenus se intromittant, ac tam de Iudici-  
bus delegatis, & Conseruatoribus, quàm personis ultra  
certum numerum ad iudicium non euocandis, à qui-  
busuis alijs Apostolicis, nec non in vniuersalibus, pro-  
uincialibus, & Synodalibus Concilijs editis specialibus,  
vel generalibus Constitutionibus, & Ordinationibus,  
etiam

etiam iuramento, confirmatione Apostolica, vel quavis  
firmitate alia roboratis, Statutis, Consuetudinibus, Le-  
gibus, & Reformationibus, privilegijs quoque, in-  
dultis, & litteris Apostolicis quibusuis Superioribus, &  
personis, sub quibuscunque tenoribus, & formis, ac  
cum quibusuis, etiam derogatorijs derogatorijs,  
alijsque efficacioribus efficacissimis, & insolitis clausulis,  
irritantibusque, & alijs decretis in genere, vel in spe-  
cie, etiam motu proprio, & alijs in contrarium quo-  
modolibet, etiam pluries, & iteratis iuribus concessis,  
approbatis, & innouatis, quibus omnibus, etiam si de  
illis, eorumque totis tenoribus specialis, specifica, ex-  
pressa, & indiuidua mentio habenda, aut aliqua alia  
exquisita forma ad hoc seruanda foret, illis alijs in suo ro-  
bore permansuris hac vice duntaxat harum serie specia-  
liter, & expressè, ac sufficienter derogamus, contrarijs  
quibuscunque, aut si aliquibus communiter, aut diui-  
sim à prædicta sit Sede indultum, quòd interdicti, su-  
spendi, vel excommunicari, aut extra, vel ultra certa  
loca ad iudicium euocari non possint per litteras Aposto-  
licas non facientes plenam, & expressam, ac de verbo,  
ad verbum de indulto huiusmodi, ac eorum personis,  
locis, Ordinibus, & Nominibus proprijs mentionem,  
& qualibet alia dictæ Sedis indulgentia generali, vel spe-  
ciali cuiuscunque tenoris existat, per quam præsentib.  
non expressa, vel totaliter non incerta dicti Conseruato-  
ris iurisdictionis explicatio hac in parte valeat quomo-  
dolibet impediri, & de qua, eiusque toto tenore ha-  
benda sit in nostris litteris mentio specialis. Nulli ergo  
omnino hominum liceat hanc paginam nostræ absolu-  
tionis, approbationis, confirmationis, roboris, adiectic-

nis, suppletionis, concessionis, indulgi, impartitionis, decreti, & derogationis infringere, vel ei ausu temerario contraire. Si quis autem hoc attentare presumpserit, indignationem omnipotentis Dei, ac Beatorum Petri, & Pauli Apostolorum eius se noverit incursum.

Datum Romae apud Sanctum Petrum Anno Incarnationis Dominice Millesimo Sexcentesimo Quinto, sexto Idus Martij. Pontificatus nostri Anno primo.

Locus † Sigilli Plumbei.

C. Beruiv.



PAVLI

# PAVLI QVINTI BVLLA.

S V M M A R I V M.

*Omnia Privilegia Mendicantium ordinibus concessa ad Somaschensem Congregationem extenduntur, eidem communicantur.*



**P**AVLVS PAPA QVINTVS Ad perpetuam rei memoriam. Ex quo diuina Maestas ad Pastorale fastigium nosquamquam immeritos euexit, illud quantum in nobis semper fuit, superno auxilio freti agere conati sumus, vt piorum hominum Congregationes, quae ad Diuini cultus augmentum, & animarum salutem institutae sunt, & in obseruatione institutorum suorum pie, & religiosè persistunt, magis quotidie in huiusmodi suo pio proposito confirmentur. Cum itaque, sicut accepimus, dilectorum filiorum Congregationis, & Clericorum Regularium Somaschae, alias Sancti Maioli Papiensis nuncupatorum fortiores quotidie vires coadiuante Domino in militantis Ecclesiae castris appareant, vt Clerici Congregationis huiusmodi eo feruentius ad huc pugnare studeant, quò maioribus se viderint spiritualibus gratijs fore munitos; ipsos, & eorum quemlibet à quibus suis excommunicationis, suspensionis, & interdicti, alijsque Ecclesiasticis sententijs, censuris, & pœnis à iure, vel ab homine quauis occasione, vel causa latis, si quibus quomodo libet innodati existunt, ad effectum praesentium duntaxat  
confe-



consequendum harum serie absoluentes, & absolutos fore censentes, præter alia quæcunque Priuilegia, & gratias ipsdem Congregationi, & Clericis hætenus quomodolibet concessa, omnia, & singula Priuilegia, prærogatiuas, concessiones, fauores, facultates, declarationes, immunitates, exemptiones, libertates, cæterasque gratias, præminentias, & indulta cuiusuis generis existentia spiritalia, & temporalia, qualiacunque illa sint, excepta tamen exemptione à Iurisdictione Ordinariorum, quibusuis Mendicantium Ordinum Congregationibus, eorumque Professoribus, ac eorum Monasterijs, Ecclesijs, Domibus, & Regularibus locis, nec non dilectis filijs eandem Religionum, & Congregationum Generalibus, Præpositis, Superioribus, Prælati, & Capitulis tam Generalibus, quàm Provincialibus, Fratibus, Nouitijs, Conuersis, Donatis, ac quibusuis eorum, & earum personis in quibuscunque Mundi partibus existentibus, & illorum intuitu, & per viam communicationis, vel extensionis, aut aliàs quomodolibet per quoscunque Romanos Pontifices prædecessores nostros, seu per nos, & successores nostros, aut alios auctoritatem habentes concessa sunt, & concedentur, ac quibus singula Congregationes prædictæ, eorumque Monasteria, Ecclesiæ, Domus, & loca, ac Superiores, Fratres, & personæ huiusmodi de iure, vsu, consuetudine, vel priuilegio, aut concessione Apostolica, vel alia quauis auctoritate in genere, vel specie, ac tam coniunctim, quàm diuisim, aut aliàs quomodolibet vtuntur, fruuntur, potiuntur, & gaudent, ac vti, frui, potiri, & gaudere possunt, vel poterunt quomodolibet in futurum, quarum concessionum tenores præsentibus pro expressis habentes, ac si de verbo ad verbum inferrentur,

rentur, etiam si talia sint, & forent, quæ spe ialem, & indiuiduam requirerent mentionem, seu particularem insertionem, quatenus sint in vsu, & non sint reuocata, neque sub vllis reuocationibus comprehensa, ac sacris Canonibus, & Concilij Tridentini decretis non aduersentur, ad eandem Congregationem Somascham, seu Sancti Maioli, ac singulos illius Conuentus, illorumque Superiores, Præpositos, Prælatos, & quascunque personas auctoritate, & honore præsentis perpetuò extendimus, illaque eis communicamus, & de nouo concedimus, ac suffragari volumus, & declaramus. Non obstante tam fel. record. Bonifacij Papæ VIII. Prædecessoris nostri de vna, & in Concilio Generali edita de duab. diebus, dummodo ultra tres dietas aliquis auctoritate præsentium ad iudicium non trahatur, quàm alijs quibuscunque Constitutionibus, et Ordinationibus Apostolicis tam de iudicibus delegatis, et Conseruatoribus, quàm personis ultra certum numerum ad iudicium non vocandis; Nec non quibusuis priuilegijs, et indulgijs Apostolicis quibusuis Secularibus, vel Regularibus, Militijs, Communitatibus Vniuersitatibus, Capitulis, Castris, Villis, Terris, et quibusuis Cathedralibus, et Metropolitanis, vel Collegiatis, aut alijs Ecclesijs, Capitulis, Conuentibus, Monasterijs, Hospitalibus, et alijs pijs locis, etiam motu, et scientia similib. et de non trahendis eorum subditis, vel personis ipsarum Ecclesiarum, Ciuitatum, Vniuersitatum, Castrorum, Villarum, et Locorum respectiuè extra eas, aut coram illis iudicibus, et personis, quàm etiam vigore quarumcunque litterarum Apostolicarum, aut aliàs quibusuis modis, et qualitercunque à quibusuis verborum formis, et tenoribus de quibus etiam plena, et expressa, specialis, specifica, et indiuidua, ac de verbo ad verbum non autem

tem per clausulas generales idem importantes mentio, seu quæuis alia expressio habenda, tenores huiusmodi præsentibus pro sufficienter expressis habentes, illis alias in suo robore permansuris specialiter, & expressè derogamus, seu si aliquibus communiter, aut diuim ab eadem sit Sede indultum, quòd interdici, suspendi, vel excommunicari non possint per litteras Apostolicas non facientes plenam, & expressam de verbo ad verbum de indulto huiusmodi mentionem, cæterisque contrarijs quibuscunque. Cæterum volumus, & dicta autoritate decernimus, quòd earundem præsentium Transumptis, & manu alicuius Notarij publici subscriptis, & Sigillo alicuius personæ in dignitate Ecclesiastica constitutæ, aut manu Præpositi Generalis, & Sigillo eiusdem Congregationis Somaschæ munitis eadem prorsus fides adhibeatur in iudicio, & alibi, vbi opus fuerit, quæ adhiberetur eisdem præsentibus, si forent exhibitæ, vel ostensæ.

Datum Romæ apud Sanctum Petrum sub Annulo Piscatoris die 9. Nouembris 1607. Pontificatus nostri Anno tertio.

Scipio Cobellutius.



PAVEI

# PAVLI QVINTI

## BVLLA

### SVMMA RIVM.

*Bulla Clementis Octavi de Vocalibus Confirmatur, etiam si consuetudo eligendi vocales à viginti annis data Bulla vigeret.*



PAVLVS PAPA QVINTVS Ad perpetuam rei memoriam. His, quæ pro Congregationum quarumlibet ad fidei Catholicæ propagationem institutarum, & personarum in illis degentium prospero statu, & felici progressu per Romanos Pontifices prædecess. nostros providè statuta, & ordinata sunt, vt sublatis quibuscunque impedimentis effectum sortiantur, libentèr prospicimus. Aliàs si quidem à fel. record. Clemente Papa VIII. prædecessore nostro emanarunt litteræ tenoris subsequenti. Clemens Papa VIII. ad perpetuam rei memoriam. Romanus Pontifex ex debito pastoralis officij sibi ex alto commissi, ne personarum sub suavi Religionis iugo Deo famulantium status perturbetur, sed quò magis fieri potest, quietus, & tranquillus in Dei obsequio perseveret, libentèr prouidet, prout in Domino conspicit salubriter expedire. Sanè cum Congregatio Clericorum Regularium de Somascha nuncupata, seu Sancti Maioli Vapiens. à fel. record. Pio Quinto prædecessore nostro de seculari regularis effecta, & per ipsum, ac alios suos prædecessores fuerit nonnullis priuilegijs, & gratijs specialibus roborata, ac per nos deniq; cõfirmata, & nouis Priuilegijs, & indultris ampliata, prout in

L nostris

nostris de super confectis litteris sub dat. sexto Kalen. Maij Pontificatus nostri anno secundo plenius continetur. In quibus quidem litteris inter cetera omnia, & singula Statuta, Ordinationes, Regulas, & Constitutiones in vniuersa Congregatione prædicta eousque editas, licitas tamen, & honestas, sacrisque Canonibus, & Concilio Tridentino minimè contrarias auctoritate Apostolica perpetuò approbauimus, & confirmauimus, illisque omnibus, & singulis Apostolicæ firmitatis robur adiecit, suppletes omnes, & singulos defectus, prout in dictis litteris plenius continetur. Cumq; sicut nuper accepimus inter alias Constitutiones prædictæ Congregationis sit quædam Constitutio de ijs, qui numero Vocalium Capituli Generalis sunt adscribendi disponens, vt non passim, & sine matura consideratione cuiusque conditionis Fratres inter Vocales Capituli Generalis admittantur, à quo omnis vtilitas totius Religionis dependet, totumque illius sustinet onus, sed ij solam, qui vita, & moribus ceteros antecellant, qui que prudentia, & consilio, & scientia valeant in rebus arduis consulere, qui item per aliquot annos fuerint in Religione probati, elapsumque fuerit ad minus triennium post emissam professionem, qui que ætatis suæ saltem trigessimum annum attigerit; & ne Vocalis vnquam sit, vel qui apostatauerit, vel qui in aliquo delicto fuerit deprehensus, vel de quo probabiliter dubitatur ea, quæ in Comitibus tractantur, secretò minime retenturum ex evidentibus indicij, & alijs prout in dicta Constitutione dicitur contineri. Et quia prædictæ qualitates in eo, qui adscribendus est in numero Vocalium à nullis alijs possunt ita rectè inquiri, & perpendi, quàm ab eisdem Patribus Vocalibus, qui cum admissuri sunt, propterea eadem Congregatio consuevit non admittere aliquem in numero dicti Capituli Generalis, nisi in eodem meo Capitu-

tulo propositus, & per Votà secreta ipsorummet Parrum Vocalium suffraganti sibi maiori parte Votorum electus fuerit; Vnde Clerici eiusdem Congregationis tum ad vitam, & morum integritatem, tum etiam ad bonarum artium, & regularis disciplinæ studium; & obseruantiam excitantur. Verum sicut nobis pro parte dictæ Congregationis expositum fuit à Venerabili Fratrem nostro Ludouico Episcopo Sabinens. Cardinali Madrutio nuncupat. prædictæ Congregationis Protectore, cum nonnulli de eadem Congregatione ex eo solùm, quòd sunt professi per aliquot annos, & in presbyteratus ordine constituti prætendant se in eodem Capitulo Generali habere vocem actiuam, & passiuam, & admittendos esse in electionibus Præpositi Generalis, & aliorum quorumcunque Superiorum contra id, quod in dicta Congregatione fieri consuevit iuxta prædictas suas Constitutiones à nobis, vt supra approbatas, & confirmatas; Et propterea cum non admittantur, se ipsos, & alios perturbent, & perturbare audeant. Hinc est quod Nos, qui singularum Christi fidelium, præcipuè verò similium Religiosorum agri Domini cultorum quietem sinceris desideramus affectibus, ex sententia dilectorum filiorum Prælatorum negotijs visitationis Apostolicæ, & reformationis Præfectorum auctoritate Apostolica, tenore præsentium decernimus, & declaramus nullum de cætero adscribendum fore, & esse numero Vocalium Capituli Generalis prædictæ Congregationis, nec in eo vocem actiuam habere, nisi seruata in omnibus forma dictarum Constitutionum, & nisi etiam iuxta prædictam Consuetudinem à triginta circiter annis hætenus seruari solitam, & obseruatam, fuerit in eodem Capitulo propositus, & per vota secreta à Patribus Vocalibus eiusdem Capituli Generalis electus, & admissus, omnibusque

84  
que alijs se vocem actiuam in dicto Capitulo habere præ-  
tendentibus, & ab eisdem Patribus vocalibus Capituli Ge-  
neralis non electis, & admissis perpetuum silentium impo-  
nimus, & imponi mandamus, nec desuper ab aliquo excipi,  
& opponi posse, sicque per quoscunque Iudices, & Com-  
missarios quauis autoritate fungentes iudicari, & defi-  
niri debere, ac irritum, & inane quicquid secus super his à  
quoquam quauis autoritate scienter, vel ignoranter con-  
tulerit attentari, decernimus, & declaramus, Non obstanti-  
bus præmissis, ac quibusuis Constitutionibus, & Ordinatio-  
nibus Apostolicis, nec non statutis, & consuetudinibus alia-  
rum Regularium Congregationum, cæterisque contrarijs  
quibuscunque. Volumus autem, quod præsentium Tran-  
sumptis manu alicuius Notarij publici subscriptis, & Sigillo  
personæ in dignitate Ecclesiastica constitutæ munitis eadem  
prorsus fides adhibeatur, quæ præsentibus originalibus  
litteris adhiberetur, si forent exhibitæ, vel ostensæ. Da-  
tum Romæ apud Sanctum Petrum sub Annulo Piscato-  
ris die 23. Martij 1599. Pontificatus nostri anno octauo.  
Cum autem sicut pro parte Præpositi Generalis, & Cleri-  
corum Regularium nobis nuper expositum fuit, prædicta  
Consuetudo non admittendi aliquem in numerum dicti  
Capituli Generalis nisi in eodem Capitulo propositus, &  
per vota secreta ipsorummet Vocalium suffragante sibi  
maiori parte votorum electus fuerit, tempore datæ dicta-  
rum litterarum non à triginta, vt in eisdem litteris expres-  
sum fuit, sed à viginti annis duntaxat seruari solita, & obser-  
uata fuerat, & propterea Præpositus, & Clerici prædicti  
dubitent litteras prædictas sibi minus vtilis reddi, seque  
desuper ab inquietis dictæ Congregationis molestari posse,  
Nobis idcirco humiliter supplicari fecerunt, vt in præmis-  
sis opportunè prouidere de benignitate Apostolica digna-  
remur.

85  
nemur. Nos igitur dictos Præpositum, & Clericos specia-  
lis gratiæ fauore prosequi volentes, & eorum quemlibet à  
quibusuis excommunicationis, suspensionis, & interdicti,  
alijsque Ecclesiasticis sententijs, censuris, & pœnis à iure, vel  
ab homine, quauis occasione, vel causa latis, si quibus quo-  
modolibet innodati existunt, ad effectum præsentium dun-  
taxat consequen. harum serie absoluentes, & absolutos  
fore censentes huiusmodi supplicationibus inclinati, Decre-  
tum, & declarationem, dictasque litteras Clementis præ-  
decess. ac in eis contenta quæcunque valere, suumque effe-  
ctum sortiri, & ab omnibus dictæ Congregationis Reli-  
giosis exactè obseruari debere, etiamsi dicta consuetudo  
tempore datæ dictarum litterarum à viginti annis tantum  
vigeret, Apostolica autoritate tenore præsentium simili-  
ter decernimus, ac volumus, & præcipimus, non obsta-  
te omnibus, quæ dictus Clemens prædecessor in prædi-  
ctis suis litteris voluit non obstare.

Datum Romæ apud Sanctum Marcum sub Annulo Pi-  
scatoris Die 14. Martij 1611. Pontificatus nostri An-  
no sexto.

Locus † Sigilli.

Scipio Cobellutius.

## PAVLI QVINTI

## B V L L A:

## S Y M M A R I V M.

*Statuta, & decreta de comitijs generalibus celebrandis, eligendo definitorio, Præposito generali, de socijs, & discretis, &c. confirmantur.*



**P**AVLVS PAPA QVINTVS Ad perpetuam rei memoriam. Vt ea, quæ pro Religiosorum bono regimine, & quiete per ipsorum Superiores præsertim in Capitulis Generalibus statuta, & ordinata sunt firma, & illibata persistant, libenter cum à nobis petitur, Apostolicæ nostræ confirmationis robur adijcimus, prout conspiciamus salubriter in Domino expedire. Sanè dilecti filij Præpositus Generalis, & Presbyteri Congregationis Somaichæ, alias Sancti Maioli Papiens. nobis nuper exponi fecerunt, quòd in capitulis generalibus dictæ Congregationis proximè præterito, & præsentis annis respectiue celebratis statutum, & decretum fuit, quòd ad effugiendos immoderatos sumptus in frequenti Capitulorum Generalium celebratione fieri solitis, & ad maiorem disciplinæ regularis obseruantiam Capitulum Generale dictæ Congregationis, quòd hætenus quorannis celebratum fuit, imposterum singulis triennijs, & in Dominica tertia post Festum Paschatis Resurrectionis, vel quoties nouum Generalem eligere oportebit, celebrari debeat; & ad illud singuli vocales conuenire studeant, si verò statuto tempore non omnes aduenisse compertum fuerit, illi,

qui præsentès erunt, dummodo antea absentès legitime vocati fuerint, totum Capitulum repræsentent, & quicquid ab eis factum fuerit, ab omnibus factum censeatur. Capitulo autem Generali præter vocales vocem actiuam, & passiuam in eo habentes electos ad præscriptum Constitutionum dictæ Congregationis à Sede Apostolica confirmatarum, nonnulli Socij, seu Discreti à quibusdam Collegiorum, & locorum Capitulis creati intersint, qui voce tantum actiua gaudentes omnibus maiorum dignitatum, seu officialium (videlicet eorum, qui totum definitorium constituunt) electionibus se tantum immiscere, & illis factis, Capitulo egredi debeant, nec aliarum rerum tractationi, vel definitioni adesse possint, ipsorum autem Sociorum eligendi ratio sit, & obseruari debeat, quæ Iuri Canonico conformis est, excepto duntaxat, quòd cum votis, etiam infra medietatem eligi possint; hoc autem Discreti munere nemo fungi valeat, qui ætatis trigessimum tertium, professionis verò decimum annum non compleuerit, & qui legitimis natalibus ortus non fuerit, nisi legitimam dispensationem super hoc impedimento obtinuerit; aut ab obedientia ad eò se subtraxerit, vt extra Claustra nulla habita facultate ad Mensam vixerit, aut graue aliquod, atque enorme delictum perpetrasse conuictus, vel denique Sacræ Inquisitionis iudicio, ac pœna canonica mulctatus fuerit. Quod si contingat Capitulum generale celebrari in aliquo loco, vbi sint plures regulares Domus dictæ Congregationis, & aliquem hora ad conueniendum præscripta abesse à Capitulo, id electionibus factis nihil obsit, dummodo fuerit antea legitime vocatus. Insuper quòd in Capitulo generali congregato nouus semper eligatur Præpositus Generalis, & reliquæ Definitorij dignitates, quæ de cæterò absque vlla confirmatione,

trienales sint, nec ultra trium annorum huiusmodi spatium vlllo modo produci possint, excepto Procuratore Generali, qui si ita videbitur expedire, triennio expleto confirmari possit. Præterea in electione Præpositi Generalis Præses, & maior Consiliarius, seu ipso maiori Consiliario absente, aut functo minor, Cancellariusque, qui minoris locum eo casu tenebit, scrutatorum munere fungantur, & singulorum eligentium Votis receptis illum, in quem electorum omnium partes duas consensisse animaduertent, Præpositum generalem electum pronuntient, & in Votorum paritate professione senior, & inter professione pates ætate maior censeatur electus. In cæteris verò maiorum Officialium electionibus, quæ cum Votis supra dimidiam eligentium partem erunt celebrandæ, scrutatores sint Præpositus Generalis, Vicarius, & Cancellarius; si quis eorum aberit, in eius locum sufficiatur Consiliarius maior si adsit, alioquin minor. Adhæc quia ab vno ad aliud Capitulum Generale grauissima negotia interuenire solent, ne Congregatio damnum aliquod patiatur, Præpositus Generalis singulis annis intermedijs Dominica tertia post Festum Paschæ Resurrectionis debeat Definitorium cogere, quod tredecim Vocalibus constabit, Nempe Præposito Generali, Vicario, utroque Consiliario, tribus Visitatoribus, quatuor Definitoribus, Procuratore Generali, si ultra triennium confirmatus non fuerit; quod si fuerit confirmatus, eius loco quintus Definitor eligi debeat, ac demum Cancellario quoties autem aliquis ex prædictis deerit, dummodo legitimè fuerit vocatus, Præpositus ipse Generalis, vel eo impedito, is cuius erit Definitorium conuocare, & cæteri ex Definitorio prædicto dummodo senarium numerum expleant, cum maiori votorum parte tot Vocales eligant, quot ad præscriptum numerum tredecim implendum deerit, &

illi

illi, qui sic electi fuerint, in eo tantum Definitorio auctoritatem habeant; interim autem si qui ex eis, qui antea definitorio adscripti erant, superuenerint, superelecti officio cedant, & si ex definitorio quisquam perpetuò, aut diuturno aliquo impedimento detineatur, definitorium duabus ex tribus concurrentibus partibus eligat Vocalem alium loco defuncti, aut aliàs impediti, prout in scripturis desuper confectis plenius dicitur contineri. Cum autem sicut eadem expositio subiungebat, Præpositus Generalis, & Presbyteri prædicti plurimum cupiant Statuta, & Decreta huiusmodi pro eorum firmiori validitate, & subsistentia Apostolicæ nostræ confirmationis robore communiri, nobis propterea humiliter supplicari fecerunt, ut super præmissis opportune providere de benignitate Apostolica dignaremur. Nos igitur prosperum Religiosorum quorumcunque statum, quietem, & tranquillitatem sincero desiderantes affectu, ipsosque Præpositum Generalem, & Presbyteros specialibus fauoribus, & gratijs prosequi volentes, & eorum singulares personas à quibusuis excommunicationis, suspensionis, & Interdicti, alijsque Ecclesiasticis sententijs, censuris, & pœnis à iure, vel ab homine quauis occasione, vel causa latis, si quibus quomodolibet innodati existunt, ad effectum præsentium duntaxat consequendum, harum serie absoluentes, & absolutos fore censentes huiusmodi supplicationibus inclinari, Statuta, & Decreta prædicta Apostolica auctoritate tenore præsentium confirmamus, & approbamus, illisq; inuiolabilis Apostolicæ firmitatis robore adijcimus, ac omnes, & singulos tam iuris, quam facti effectus, si qui desuper quomodolibet interuenerint, supplemus. Decernentes Statuta, & decreta prædicta ab omnibus, & singulis, ad quos spectat, & spectabit in futurum inuiolabiliter obseruari debere, Non obstantibus quibusuis constitutionibus, & ordinatio-

M nibus

90  
nibus Apostolicis, ac dictæ Congregationis, etiam iuramento, confirmatione Apostolica, vel quavis firmitate alia roboratis, Statutis, & Consuetudinibus, privilegijs quoque; indultis, & litteris Apostolicis eidem Congregationi, eiusque Præposito generali, & alijs quibusvis personis sub quibuscunque tenoribus, & formis, ac cum quibusvis etiam derogatorijs derogatorijs, alijsque efficacioribus, & insolitis clausulis, ac irritantibus, & alijs decretis etiam per nos, & quoscunque Romanos Pontifices prædecessores nostros in contrarium præmissorum quomodolibet concessis, confirmatis, & approbatis. Quibus omnibus, & singulis eorum omnium tenores præsentibus pro plenè, & sufficienter expressis, & ad verbum insertis habentes, illis aliàs in suo robore permansuris, hac vice duntaxat specialiter, & expresse degamus, cæterisque contrarijs quibuscunque. Volumus autem, ut præsentium Transumptis, etiam impressis manu Præpositi Generalis dictæ Congregationis subscriptis, & Sigillo eiusdem Congregationis munitis eadem prorsus fides ubique adhibeatur, quæ præsentibus adhiberetur, si forent exhibitæ, vel ostensæ.

Datum Romæ apud Sanctum Petrum sub Annulo Piscatoris, Die 5. Decembris MDCXIII. Pontificatus nostri Anno nono.

Locus † Annuli Piscatoris.

Scipio Cobellucius.

IN

91  
IN CONGREGATIONE  
CONCILLII

fuit propositus iste Causa.

Die XIII. Mensis Decembris MDCXIII.



VIDAM N. emisit professionem in manibus auctoritatem habentis sub infra scripta verborum formula. Queritur à Sacra Congregatione Concilij, An talis professio sit valida, ita ut N. dicendus sit verè professus.

Ego N. voueo, profiteor, & promitto Deo omnipotenti, & tibi N. specialiter electo obedientiam, Castitatem, & in communi viuere sub Regula Sancti Augustini Patris Nostri, & quòd absque licentia Præpositi Generalis, vel eius auctoritate fungentis aliquod cum cura, vel sine cura beneficium non acceptabo, vel retinebo intra, aut extra Ordinem Nostrum Clericorum Regularium. Idem secundum constitutiones factas, aut faciendas per Congregationem prædictam auctoritate Apostolica sibi concessa, reseruata mihi testandi potestate de patrimonio meo, si opus fuerit, cum Præpositi auctoritate.

M 2

Sacra

92  
Sacra Congregatio Cardinalium Concilij Tridentini  
interpretum, hoc negotio maturè perpenso, atque accu-  
ratè discusso censuit, nisi aliud obstiterit, validam om-  
nino esse professionem sub formula superscripta emissam.

Horatius Cardinalis Lancellottus.

Locus Sigilli Illustrissimi Cardinalis Arigonij  
huius Sacrae Congregationis Praefecti,



PAVLI

81  
PAVLI QVINTI  
B V L L A.

S V M M A R I V M.

*Electio Praepositi Generalis, & Definitorum iuxta praecedentis Bullae formulam pre-  
scriptam, & recentia Statuta celebrata stabilitur, & confirmatur.*



**A**D Futuram rei memoriae. Nuper pro  
parte dilectorum filiorum Praepositi Ge-  
neralis, & Presbyterorum Congregationis  
Somaschae, alias Sancti Maioli Papiens.  
nobis exposito, quod in Capitulis Gene-  
ralibus de proximè praeterito, & 1612.  
Annis respectivè celebratis inter alia tunc per eos condita Sta-  
tuta decreverant, & statuerant, quod in electione Praeposi-  
ti Generalis, Praesidens Capituli, & maior Consiliarius,  
seu ipso maiori Consiliario absente, aut vita functo mi-  
nor, Cancellariusque, qui minoris locum, eo casu, ten-  
neret; In ceteris verò maiorum Officialium electioni-  
bus Scrutatores essent Praepositus Generalis, Vicarius, &  
Cancellarius, & si quis eorum abesset in eius locum,  
sufficeretur Consiliarius maior, si adesset, alioquin mi-  
nor. Nos Praepositi, & Presbyterorum praedictorum.  
Supplicationibus nobis humiliter porrectis inclinati, pra-  
dicta Statuta, & decreta Apostolica auctoritate confirma-  
vimus, & approbavimus, prout in nostris desuper in simili,  
forma Brevis sub Die quinta Decembris proximè praeteri-  
ti, desuper expeditis litteris, quarum tenores praesentibus

pro



pro expressis haberi volumus plenius continetur. Cum autem sicut Præpositi prædicti, & Dilectorum filiorum Definitorium dictæ Congregationis nomine nobis iterum expositum fuit in altera ex dictis Capitulis Generalibus dictæ Congregationis, videlicet de Menle Maij proximè præterito celebrato, antequàm dicta Statuta, & decreta à nobis, vt præfertur confirmarentur, ad Præpositi Generalis, & aliorum Officialium Definitorij dictæ Congregationis electionem, seruata dictorum Statutorum forma deuentum fuerit, ipsumque Definitorium subinde alios Officiales particulares similiter iuxta eorundem Statutorum formam elegerit, antiqua verò dictæ Congregationis Statuta pridem à Sede Apostolica confirmata, aliam eligendi formam, quæ in electionibus prædictis minimè seruata fuit præscriberent: Ideirco nos, qui electiones in Capitulo Generali huiusmodi, & subinde à Definitorio factas eidem Congregationi plurimum in Domino profuturas speramus, ne de illarum validitate, & subsistentia ab aliquibus dubitetur, opportunè prouidere, ipsumque Præpositum Generalem, & alios electos huiusmodi specialibus fauoribus, & gratijs prosequi volentes, & eorum singulares personas à quibusuis excommunicationis, suspensionis, & interdicti, alijsque Ecclesiasticis sententijs, censuris, & pœnis à iure, vel ab homine quauis occasione, vel causa latis, si quibus quomodolibet innodate existunt, ad effectum præsentium duntaxat consequendum harum serie absoluens, & absolutos fore censentes supplicationibus Præpositi, & Definitorum prædictorum nomine nobis denuò humiliter porrectis inclinati, electiones Præpositi Generalis, & quorumcunque aliorum Officialium, tam à dicto Capitulo Generali, quàm à Definitorio seruata forma dicto-  
rum

rùm recentiorum Statutorum à nobis, vt supra postea confirmatorum factas, & inde secuta quæcunque Apostolica authoritate tenore præsentium confirmamus, & approbamus, illisque omnibus, & singulis inuiolabilis Apostolicæ firmitatis robur adijcimus, ac prædictos defectus, qui in præmissis, vel eorum aliquo interueniunt, aut interuenisse dici, vel censi possunt, supplementus. Decernentes electiones, vt supra factas validas, firmas, & efficaces fore, & esse, ac ab omnibus, quos illa concernunt inuiolabiliter obseruari debere, ac irritum, & inane, si secus super his à quoquam quauis authoritate scienter, vel ignoranter contigerit attentari. Non obstantibus Statutis prædictis, nec non quibusuis constitutionibus, & ordinationibus Apostolicis, nec non alijs dictæ Congregationis, etiam iuramento, confirmatione Apostolica, vel quauis firmitate alia roboratis, statutis, & consuetudinibus, priuilegijs quoque, indultis, & litteris Apostolicis eidem Congregationi, illiusque Superioribus, & quibusuis alijs personis sub quibuscunque tenoribus, & formis, ac cum quibusuis clausulis, decretis in contrarium præmissorum quomodolibet concessis, & confirmatis, & innouatis. Quibus omnibus, & singulis illorum omnium tenores præsentibus plenè, & sufficienter expressis habentes illis alias in suo robore permansuris, hac vice duntaxat specialiter, & expressè derogamus, cæterisque contrarijs quibuscunque.

Datum Romæ apud Sanctum Petrum sub Annulo Piscatoris die 16. Ianuarij 1614. Pontificatus Nostri Anno 9.

Locus † Annuli Piscatoris.

Scipio Cobellutius.

INSTRV.

# INSTRUMENTVM TRANSUMPTI

Bullæ Pauli Quinti.

S V M M A R I V M.

*Conceditur facultas humani cadavera decedentium in Academijs, Collegijs, orphanotrophijs, Seminarijs Congregationis curæ commissis in eiusdem Congregationis Ecclesijs.*



**I**N Nomine Sanctissimæ, & Indiuiduæ Trinitatis Patris, & Filij, et Spiritus Sancti Amen. Nouerint vniuersi hoc præsens publicum Transumpti Instrumentum inspecturi, lecturi pariter, et audituri, quòd nos Io. Dom. Spinula Prothonotarius Apostolicus, vtriusq; Signaturæ Sanctissimi Domini Nostri Papæ Referendarius, nec non Curie cesarum Cameræ Apostolicæ Generalis Auditor, Romanæque Curie iudex ordinarius, sententiarum quoque, censurarum ràm in eadem Romana Curia, quàm extra eam latorum, ac litterarum Apostolicarum quatumcunque vniuersalis, & merus executor, ab eodem Sanctissimo Domino Nostro Papa specialiter deputatus, Ad Venerabilis Viri Præpositi Generalis Cōgregationis Clericorū Regularium Somaschæ aliàs Sancti Maioli Papiensis principalis instantiam omnes, & singulos sua commaniter, vel diuisi interesse purantes, eorūq; procuratores, si qui tunc erant in Romana Curia pro eisdem ad videndum, & audiendum, & dicendum, & excipiendum quidquid verbo, ac in scriptis volunt, & possunt contra litteras Apostolicas Sanctissimi Domini Nostri Papæ, sub Annulo Piscatoris, & aliàs onere solito expeditas

ditas sub datum Romæ apud S. Mariam Maiorem die 27. Mensis Octobris præsentis anni MDCXIII. concessionis, licentiæ, & facultatis ad fauorem dicti Adm. R. Præpositi Generalis, & Clericorum dictæ Congregationis absque Parochorum interuentu Scholarium, Clericorum, & Conuictorum in Collegijs, Seminarijs, & Academijs dictæ Congregationis Ecclesiasticæ sepulturæ tradendi, illasque videndum transumi, & exemplari, & in publicam transumpti formam redigi mandari per audientiam publicam, litterarū Contradictarum Sanctissimi D.N. Papæ citari fecimus, & mandauimus ad certum peremptorium terminum competentē, videlicet ad diem, & horam infrascriptos, quibus aduenientibus comparuit coram nobis dictus M. R. D. Alexander Boccolus dictæ Congregationis Generalis Procurator, & certas litteras citatorias in dicta Audientia nostro de mandato executas facto reportauit, citatorumque in ea cōtento non comparentium contumaciam accusauit, & in eorū contumaciam prædictas litteras Apostolicas sanas, & illæsas, ac omni prorsus vitio, & suspicione carentes facto realiter, & in scriptis exhibuit, atque produxit, quas transumi, & exemplari, ac in publicam formam redigi, mandari, nostræque, & nostræ Curie authoritatem pariter, & decretum interponi per nos instanter postulauit. Nos tunc Io. Dom. Spinula Auditor præfatus in contumaciam dictorum citatorum non comparentium dictas litteras Apostolicas, ea qua decuit, reuerentia ad manus nostras recepimus, illasque vidimus, tenuimus, legimus, diligenter inspeximus, & quia huiusmodi litteras Apostolicas sanas, integras, & illæsas, ac omni prorsus vitio, & suspicione carentes inuenimus, idcirco ad Admodum R. D. Alexandri Procuratoris generalis prædicti instantiam per nostrum, & dictæ Curie nostræ Notarium infrascriptum transumi, & exemplari, ac in publicam

blicam transumpti formam redigi fecimus, et mandauimus tenoris infra scripti, videlicet. Paulus Papa Quintus ad perpetuam rei memoriam. Romanus Pontifex Christi fidelium quorumlibet, presertim sub suaui vite regularis iugo Altissimo famulantium vota, per quæ litibus, et controuersijs inter eos, & alias personas Ecclesiasticas obuiatur, ad exauditionis gratiam libenter admittit prout, in Domino conspicit salubriter expedire. Exponi siquidem nobis nuper fecit dilectus filius Præpositus Generalis Congregationis Clericorum Regularium Somatchæ, aliàs S. Maioli Papiensis, quod inter Rectores Collegiorum, ac Seminariorum, & Academiarum curæ, & administrationi dictorum Clericorum commissorum ex vna, & Parochos ex altera parte nonnullæ lites, seu controuersia super iure sepeliendi in Ecclesijs Collegiorum, ac Seminariorum, & Academiarum Clericorum, & Conuictorum, qui pro tempore in Seminarijs, Collegijs, & Academijs huiusmodi decedunt sapius orientur, ad quas quidem lites, seu controuersias de cætero cuitandas dictus Præpositus Generalis plurimum desiderat Rectoribus, & Clericis prædictis per nos, vt infra indulgeri, & aliàs opportunè de benignitate Apostolica prouideri. Nos pacem, & quietem inter Regulares, & Ecclesiasticas personas huiusmodi conseruari cupientes, ac Præpositum, & Rectores, nec non Clericos prædictos specialibus fauoribus, & gratijs prosequi volentes, & eorum singulares personas, à quibusuis excommunicationis, suspensionis, & interdicti, alijsuè Ecclesiasticis sententijs, censuris, & pœnis à iure, vel ab homine quauis occasione, vel causa latis, si quibus quomodolibet innodatæ existunt ad effectum præsentium duntaxat consequendum harum serie absoluentes, & absolutos fore censentes, supplicationibus eorum nomine nobis super hoc humiliter porrectis inclinari de consilio

Venerabilium Fratrum nostrorum S. R. E. Cardinalium negotijs regularium Præpositorum, Amerin. ac Gallij nuncupatorum, Comens. & Burgilogani Comen. Diœcesis, nec non Oppidi Triultij Mediolanensis Diœcesis, Collegiorum, ac Rauennaten. ac Patriarchalis Venetiarum, Seminariorum, nec non Terræ Salodij Brixienfis Diœcesis, ac Sancti Spiritus propè, & extra portam Cumanam Mediolanensem, & Sancti Maioli Papiensis Academiarum Rectoribus respectiuè, vt in Sancti Angeli, Sanctæ Mariæ de Rondineto nuncupatæ, Sancti Antonij, & Sanctæ Crucis, nec non Sanctæ Catherinæ, & Sanctæ Trinitatis, & Sancti Benedicti, Sancti Spiritus, & Sancti Maioli eorum Ecclesijs respectiuè absque Parochorum interuentu, Scholarium Clericorum, & Conuictorum prædictorum in Collegijs, Seminarijs, & Academijs huiusmodi pro tempore decedentium cadauera, sine tamen quorumcunq; iurium Parochialium præiudicio, Ecclesiasticæ sepulturæ tradere libere, & licitè valeant, ita tamen, vt antequam sepultura tradantur, Rectores prædicti Parochos certiores facere teneantur, Apostolica autoritate tenore præsentium concedimus, & indulgemus, non obstantibus constitutionibus, & ordinationibus Apostolicis, cæterisque contrarijs quibuscunq;. Datum Romæ apud Sanctam Mariam Maiorem sub Annulo Piscatoris, die vigesima septima Octobris: Millesimo, Sexcentesimo decimo quarto, Pontificatus nostri Anno decimo. Scipio Cobellutius. loco, & Annuli piscatoris. Volentes, & autoritate dictæ Curie, decernentes, quod præsentis nostri Transumpto de cætero, & in antea tam Romana Curia, quam extra, & vbicunq; locorum in iudicio, & extra plena, & tanta fides adhibeatur talis, & tanta, ac qualis, & quantà dictis originalibus literis Apostolicis præinsertis, &

eum præfenti tranſumpto collationatis data fuit, & habita, daturque, & adhibetur, ſeu daretur, & adhiberetur, ſi de originalibus litteræ in medium exhibitæ, aut oſtenſæ fuiſſent. Quibus omnibus, & ſingulis tanquam ritè, & legitimè factis authoritatem, & decretum dictæ Curia, atque noſtram duximus interponendam, & interpoſuimus, prout interponimus præſentium per tenorem. In quorum omnium, & ſingulorum præmiſſorum fidem has præſentes fieri, & per inſcriptum Curia noſtræ Notarium ſubſcribi, ſigillique R. C. Apoſtolicæ, quo in talibus utimur, iuſſimus, & fecimus appenſione muniri. Datum Romæ, ex Ædibus noſtris Anno Domini Milleſimo Sexcentefimo Decimo Quarto, Die verò vigefima nona Menſis Octobris, Pontificatus, verò Sanctiſſimi in Chriſto Patris, & Domini Noſtri Domini Pauli Diuina prouidentia Papæ Quinti Anno decimo, præſentibus D. D. Dominico Amodeo, & Laureto Perſico Connotarijs teſtibus ad præmiſſa omnia vocatis, habitis ſpecialiter, atque rogatis &c.

Ego Iulius Pennazolus Curia Cauſarum Camera Apoſtolicæ Notarius de præmiſſis rogatus hoc Tranſumpti Inſtrumentum ſubſcripi, & ſignauit requiſitus.



BEATISSIME

BEATISSIME

PATER




ONGREGATIO Clericorum Regularium de Somascha aliàs obtinuit à Sanctitate Veſtra facultatem, vt ſinguli eiufdem Congregationis Presbyteri profeſſi omnibus, & quibuſcunq; perſonis degentibus, & commorantibus in Orphanotrophijs, Seminarijs, & Conuiſtorum Collegijs ſub cura, Regimine, & adminiſtratione dictæ Congregationis exiſtentibus extremæ Vnctionis, nec non etiam tempore Paſchatis Reſurrectionis Dominicæ Feſtiuitatis Sanctiſſimæ Eucharistiæ Sacramenta abſque aliquo cenſurarum, vel pœnarum incurſu miniſtrare, valerent, prout in litteris Apoſtolicis ſub plumbo expeditis ſexto Idus Martij Anno 1605. plenius continetur. Cum autem eadem Congregatio ſummo opere cupiat iſdem perſonis in præfatis locis vitam agentibus Sanctiſſimæ Eucharistiæ Sacramentum, etiam per modum Viatici præbere poſſe abſque eo quòd in pœnam aliquam, vel cenſuram incidat, idcirco humiliter petit à Sanctitate Veſtra, vt in præmiſſis benigne prouidere, & ſecum indulgere dignetur.

N 3 San-

Sanctissimus Dominus Noster ex sententiâ Congregationis Concilij concessit Oratoribus, vt impune possint supradictis personis Sanctissimum Eucharistiæ Sacramentum ministrare, etiam per modum Viatici; citra tamen præiudicium iurium Parochialium.

Horatiûs Cardinalis Lancellottus.

Locus Sigilli Illustrissimi Cardinalis Arigonij  
Præfecti Congregationis Concilij.



PAVLI

# MEMORIALE SANCTISSIMO

D. N. Paulo V. pro Clericis Regularibus  
Congregationis Somaſchæ.

EXHIBITVM

In Congregatione Concilij habita Romæ Die xxij. Mensis  
Februarij MDCXIII.



**I**N Nomine Sanctissimæ, & Indiuiduæ Trinitatis Patris, & Filij, & Spiritus Sancti Amen. Nouerint vniuersi, & singuli præsens publicum litterarum Apostolicarum, ac sumpti litterarum Apostolicarum, & decretorum Transumptum, & exemplum, siue Transumpti, & exempli Instrumentum visuri, lecturi, inspecturi pariter, & audituri: Quod Nos Ioannes Dominicus Spinula Prothonotarius Apostolicus, vtriusque Signaturæ Sanctissimi Domini Nostri Papæ Referendarius, nec non Curia Causurum Camera Apostolicæ generalis Auditor, Romanæque Curia Iudex ordinarius, sententiarum quoque, & censurarum, tam in eadem Romana Curia, quam extra eam latorum, ac litterarum Apostolicarum quarumcunque vniuersalis, & merus executor ab eodem Sanctissimo Domino Nostro Papa specialiter deputatus. Ad Venerabilis Congregationis, ac R. R. D. D. Præpositi, & Clericorum Regularium de Somaſcha, aliàs Sancti Maioli Papia nuncupatorum principalium, siue admodum Reuerendi Patris Alexandri Boccoli Cremonensis eorundem

Procu-

Procuratoris Generalis Instantiam, & requisitionem omnes, & singulos sua communiter, aut diuifim interesse putantes, seu habere quomodolibet prætendentes, eorumque Procuratores, si qui tunc erant in Romana Curia pro eisdem ad videndum, & audiendum nonnullas litteras Apostolicas, partim sub plumbo, & Annulo Piscatoris respectiue, vt moris est legitime expeditas, partim verò in formam Transumpti publici, & authentici valide, & legitime fidem facientis, nec non duo decreta in publicam, & authenticam formam assumpta, plenamque fidem facientia Sacre Congregationis Illustrissimorum D. D. Cardinalium Sacri Concilij Tridentini Interpretum manu Illustrissimi Domini Cardinalis Lancellotti, vt apparet subscripra, ac Sigillo Illustrissimi, & Reuerendissimi Domini Cardinalis Arigonij eiusdem Congregationis præfecti munita, & roborata transumi, & exemplari, ac in publicam, & authenticam transumpti, & exempli formam redigi, & registrari, vel dicendum, & opponendum, & causam, si quam habeant rationabilem, quare præmissa fieri minimè debeant, allegandum per audientiam publicam litterarum contradictarum Sanctissimi Domini nostri Papæ citari fecimus, & mandauimus ad certum peremptorium terminum competentem videlicet ad diem, & horam infra scriptos, quibus aduenientibus comparuit in Iudicio legitime coram nobis idem admodum Reuerendus Pater Alexander Bocolus, Procurator, & quasdam litteras citatorias in eadem audientia Contradictarum modo de mandato executas facto reportauit, citatorumque in eadem contentorum non comparentium contumaciam accusauit, & in eorum contumaciam prædictas litteras Apostolicas Transumpta, & decreta omnia sana, integra, & illæsa, non cancellata, nequæ abrafæ, seu alio quouis modo

modo lacerata, & vitiata, sed omni prorsus vitio, & suspicione carentia, facto realiter, & in scriptis exhibuit, atque produxit, quæ transumi, & exemplari, ac in publicam, & authenticam formam transumpti redigi, & registrari mandari, namque, & dictæ Curie nostræ auctoritatem pariter, & decretum interponi per nos instanter, & debite postulauit, Nos tunc Ioannes Dominicus Auditor, & Iudex prædictus, antecedentes requisitionem huiusmodi fore iustam, & rationi consonam, quodque iusta petenti non est denegandus assensus, in contumaciam dictorum citatorum non comparentium dictas litteras Apostolicas, Transumpta, & decreta, vt supra, ad manus nostras recepimus, illa omnia vidimus, tenuimus, legimus, & diligenter inspeximus, & quia huiusmodi litteras Apostolicas, transumpta, & decreta, sana, integra, & illæsa, ac omni prorsus vitio, & suspicione carere inuenimus; Idcirco ad dicti R. P. Alexandri Bocoli Procuratoris generalis Instantiam, & requisitionem per nostrum, & Curie nostræ Notarium infra scriptum transumi, & exemplari, ac in publicam, & authenticam Transumpti formam redigi, & registrari fecimus, et mandauimus tenorem superius insertorum, et expressorum. Volentes, et auctoritate nostri Officij, ac dictæ Curie decernentes, quòd huic præfenti nostro Transumpto, siue exemplo de cætero, et in antea, tam in Romana Curia, quàm extra eam vbicunque locorum in Iudicio, et extra, plena, et talis, et tanta fides adhibeatur, qualis, et quanta dictis originalibus litteris Apostolicis, transumptis, et decretis superius insertis, et cum præfenti transumpto collationatis data foret, et exhibita, daturque, et adhibetur, seu daretur, et adhiberetur, si ipsæ originales litteræ in medium exhibitæ, aut ostensæ fuissent. Quibus omnibus, et singulis, tanquam

rite, rectè, ac legitimè gestis, & factis, nostram, dictæ-  
que nostræ Curia, & Officij, quo fungimur authorita-  
tem ordinariam pariter, et decretum, duximus interpo-  
nendam, prout interponimus per præsentium tenorem.  
In quorum omnium, et singulorum fidem, has præsentis  
fieri, et per infra scriptum Curia nostræ Notarium sub-  
scribi, et publicari, Sigillique Reuerendæ Camera Apo-  
stolicæ, quo in talibus vtimur, iussimus, et fecimus ap-  
pensione muniri.

Datum, et actum Romæ ex Aedibus nostris Anno  
Domini, Millesimo, sexcentesimo decimo quarto, Indi-  
ctione duodecima; Die verò vigesima prima Mensis Apri-  
lis; Pontificatus Sanctissimi in Christo Patris, et Domi-  
ni Nostri Domini Pauli, diuina prouidentia Papæ Quin-  
ti Anno nono; Presentibus ibidem, audientibus, et in-  
telligentibus D. D. Laureto Perfico, et Antimo Palme-  
rio, eiusdem Curia Notarijs Testibus ad præmissa omnia  
vocatis, habitis, atque rogatis.

L. A. Virilis Lñs.

Ego Iulius Pennazolus Curia Causarum Camera  
Apostolicæ Notarius de præmissis rogatus hoc Transum-  
pti Instrumentum subscripsi, & signaui requisitus.

VENETIIS, M D C X V.

Apud Antonium Turinum.



